

42137/P

53050

DISSERTATIONEM INAUGURALEM MEDICAM  
*Ch. Havel* DE  
INTERPRETIBVS HIPPOCRATIS  
GRAECIS

ANNVENTE  
GRATIOSO MEDICORVM ORDINE  
IN  
STVDIORVM VNIVERSITATE ALTORFINA  
PRO  
SVMMIS IN MEDICINA HONORIBVS  
ADIPISCENDIS

PVBlice PROPONET VENTILANDAM

AVCTOR  
PAVL SIGMVND CARL PREV  
NORIMBERGENSIS.

---

DIE V. NOVEMBR. MDCCLXXXV.

---

ALTDORFII  
EX PRELO IOANNIS PAVLI MEYERI  
ACADEMIAE TYPOGRAPHI.

1795.

LIBRARY OF THE

UNITED STATES OF AMERICA

DEPARTMENT OF THE INTERIOR

BUREAU OF LAND MANAGEMENT



WELLESLEY COLLEGE

WELLESLEY, MASSACHUSETTS

RECEIVED

APR 10 1964

LIBRARY

WELLESLEY COLLEGE

WELLESLEY, MASSACHUSETTS

RECEIVED

APR 10 1964

LIBRARY

WELLESLEY COLLEGE

WELLESLEY, MASSACHUSETTS

RECEIVED

APR 10 1964

LIBRARY

WELLESLEY COLLEGE

WELLESLEY, MASSACHUSETTS

RECEIVED

APR 10 1964

LIBRARY

WELLESLEY COLLEGE

WELLESLEY, MASSACHUSETTS

SACRI ROMANI IMPERII  
PERILLVSTRIS AC LIBERAE  
REIPVBLICAE NORIMBERGENSIS  
SENATORIBVS SPLENDIDISSIMIS  
VIRIS  
PERILLVSTRIBVS AC GENEROSISSIMIS  
DOMINO IOANNI SIGISMVND  
HALLERO

AB HALLERSTEIN  
DOMINO CHRISTOPHORO GVL-  
LIELMO WALDSTROMERO

A REICHELSDORF  
DVVMVIRIS DE REPVBLICA MERITISSIMIS  
DOMINO SIGISMVND FRIDERICO  
FVRERO

DE HAIMENDORF  
REI SACRAE AC LITERARIAE EPHORO  
ATQVE  
VNIVERSITATIS ALTORFINAE CVRATORI PRIMARIO  
DOMINO CAROLO CHRISTOPHORO  
SEBASTIANO HARSDOERFERO

AB ENDERNDORF  
DOMINO CAROLO FRIDERICO  
BEHAIMIO

A SCHWARZBACH  
SCHOLARCHIS ET ACADEM. ALTORF. CVRATORIBVS  
DOMINO CHRISTOPHORO AN-  
DREAE IM HOF

AB HELMSTATT  
REIPVBLICAE NORIMBERGENSIS A CONSILIIS BELLICIS  
DOMINO GEORGIO FRIDERICO  
GVILIELMO POEMERO

SCHOLARCHAE ET VNIVERSIT. PATRIAE CVRATORI  
PATRIAE PATRIBVS SANCTISSIME COLENDIS  
MAECENATIBVS ATQVE PATRONIS  
GRATIOSISSIMIS

SVMMI NVMINIS GRATIAM

PRO

INCOLUMITATE VITAE PERPETVA  
CONSILIORVM PRVDENTISSIMORVM EVENTV

FAVSTISSIMO

STIRPIVM SPLENDIDISSIMORVM

FLORE PERENNI

AC

FELICITATE OMNIGENA NVLLIS INFORTVNIIS  
TVRBANDA MINVENDA

IMPLORANS

HASCE SVORVM LABORVM PRIMITIAS

OMNI QVO PAR EST OBSERVANTIAE CVLTV

D. D. D.

TANTORVM NOMINV

CVLTOR DEVOTISSIMVS

AVCTOR.



L. B.

**E**laborandae dissertationis inauguralis officio mihi incumbente, cur scribendi materiam de Hippocratis Coi interpretibus antiquis elegerim, multos fore, qui a me quaerant, non dubito: hinc causas, quae me ad id argumentum pertractandum impulerunt, paucis exponam. Cum ab eo tempore, quo adolescentes in severioribus disciplinis erudiri solent, rei literariae et scientiarum artiumque liberalium historiae amore captus essem, et, maturante aetate, sequutus exemplum Parentis optimi, ad medicinam animum et, quaecunque in me est, studium applicavissem, Cel. ACKERMANNVM artis magistrum nancisci mihi contigit, qui ardorem meum ad talia studia non modo non improbavit, sed potius institutione, consilio, ac librorum copia quavis ratione adjuvit, ut, quantulacunque tandem sint, omnia ei viro me debere, gratissimo animo nunquam non sim professurus. Non minutus est amor literariae, inprimis medicinae, historiae, postquam hunc virum audiui, imo auctus est: cumque mox intelligerem, ductus etiam exemplis recentioribus, multa, quae et in historia medicinae proprie dicta,

*et in literaria eius parte proponi solent, et laudari adeo, esse falsa, et magis ex ingenio scribentium, quam ex aliis iisque exquisitioribus historiae fontibus petita; cum tandem, ductus et institutione et exemplo praeceptoris optimi, intelligerem, nullam certitudinem (sine qua historia esse nequit) existere in medicinalis scientiae historia, nisi ea ex ipsis hauriatur fontibus, ingenioque locum in historia quacunque dari non debere, nisi in recte ordinandis, digerendis, tradendisque iis, quae fontes doceant, neque medicinae historiam certam atque ab omni commentorum spurcitie expurgatam componi posse, nisi singula, quae in ea enarrari debent, vera sint atque extra omnem dubitationem posita, materiam elegi, quae, si etiam magni ponderis non est, laboris tamen fuit non exigui, interpretum nempe Hippocratis graecorum enarrandorum.*

*Et primum quidem commentariorum Philothei in aphorismos Hippocratis, quorum exemplum graeco idiomate exscriptum in bibliotheca Universitatis nostrae publica exstat, fragmentum exhibere, eique nonnulla de reliquis Hippocratis commentatoribus graecis attexere mecum statueram: sed postquam in exquirendis iis graecis medicis, qui Hippocratem illustraverant, meus labor aliquantulum processerat, mox perspexi, fore, ut opusculum meum ipsa sua mole laboraret, ubi et spissum Philothei commentariorum volumen, cum notis criticis atque exegeticis, ac cum latina versione hac occasione in lucem emitterem.*

*Hinc*



*Hinc consilium cepi in hoc inaugurali specimine memorandorum Hippocratis interpretum Graecorum omnium, ut appareat, quanto in honore fuerit Hippocrates apud medicos Graecos cuiusque sectae, utque perspiciatur, quantum fieri potest, quid quisque veterum commentatorum ad Hippocratem illustrandum contulerit. Consilium Philothei commentariorum edendorum, quorum fragmenta graeco idiomate exscripta typis vulgarunt Anton. Musa Brassavolus in commentariis in Aphorismos Hippocratis et Galeni, Basil. 1541. fol. et vir magni nominis maiorisque doctrinae, I. A. M. Nagelius, Prof. Altdorfinus, in programme anniversario, munificentiae Trewii dicato — Altdorf. 1788. 4. quaeque integra nondum prodierunt, ad alia tempora reservatum est.*

*Sed multae difficultatis magnique laboris opus erat interpretum Hippocratis enumeratio. Non enim, quae scriptores de hoc argumento protulerant, sequi poteram, hi enim omnes in eo pertractando non accurate satis fuerant versati; sed ipsi fontes mihi erant adeundi, ut recte pateret, quinam medicorum veterum, ac ex quam secta, in Hippocratem essent commentati, et quemnam successum in eo laboris genere habuissent. Ea de causa medicos veteres paene omnes, aliosque auctores veteres, qui de rebus ad medicinam facientibus scripsere, evolvendi laborem minime detrectavi, neque destiti ab incepto meo, usque donec finem, quam mihi proposueram, essem adsequutus.*

*Erro-*

*Errorum igitur, quos parum cavit natura, veniam impetraturum esse me, eo confidentibus spero, quo maiore diligentia, ne eos, quos incuria fundit, committerem, adnissus sum. Doleo tamen, supremam Foesii editionem Hippocratis operum non ad manus fuisse, quae Genevae duobus voluminibus prodiit, 1675. Critica enim ei adnexa est commentatorum Hippocratis enarratio, quae magnum forte mihi emolumentum adferre potuisset, si ea uti contigisset.*

*Quod ad ordinem, quo opusculum meum composui, pertinet, prolixius de eo in prolegomenis opellae ipsi praemissis locutus sum.*

*Ultimo loco aequos iudices earum rerum, quas in hoc libello pertractavi, rogo, cogitent, me non ideo haec scripsisse, ut alios erudiam, sed ut ipse erudiar. Dabam Altdorfi, d. v. Nov. MDCCVC.*

---



DE  
INTERPRETIBVS HIPPOCRATIS  
GRAECIS.

---

P R O L E G O M E N A.

**A**ntiquissimis quidem temporibus medicinam apud Graecos exstitisse notum est; cum tamen a nemine fere nisi a sacerdotibus excoleretur, praecipue ab iis, quibus Aesculapii cultus curae fuit, non potuit, ipsa quin rudis satis diu et exilis permaneret, donec fors paullo melior ex philosophorum laboribus illi comparata est. Qui cum enim orbem universum suis complecterentur contemplationibus, Pythagoram aemulati, a quo Aegyptiorum doctrina ad Graecos translata est, in eo quoque haud parum versati sunt, ut humani corporis elementa detegerent, qualitates examinarent, quibus ipsum singulaeque eius partes polleant, vires, quibus regatur, investigarent, conditiones denique, quibus utatur, mutationesque varias, quas subire cogatur, fida, quantum possent, obser-

A

observatione exquirerent. Quin et eorum nonnullos morbis ipsis medelam adhibuisse relatum legitus.

Neque tamen philosophis solis incrementa, quae ante Hippocratem medicina cepit, tribuenda sunt; alia quoque multa contulerunt ad fines eius, nimium coarctatos antea, dilatandos. Pertinet huc gymnasticae artis studium, quod tunc temporis apud Graecos invaluit, pertinet imprimis et hominum et morborum copia in dies adaucta, quae Asclepiadas tandem coegit, ut alienigenas quoque in templa sua reciperent, iisque medicinam traderent, cum ipsorum numerus omnibus aegrotis, qui exstabant, sanandis non amplius sufficeret; unde medicina in plurimum, quam antea, pervenit hominum communionem atque scientiam.

Iam vero Hippocrates, Magnus posteris per eminentiam dictus, prodiit, vir, in quo eorum nihil desiderare posses, quae vel ad animi decora pertinere existimari possint, vel ad omnia, quae bonum medicum efficiunt. Florentissimam Asclepiadarum scholam, Coam, et patriam et eruditionis fontem nactus, primus ex iis fuit, qui genus ab Aesculapio deducebant, qui philosophorum scholas adiit, his, quae in templis didicerat, minime contentus; primus etiam in scientiae formam redegit medicinam, ne amplius esset aut sterile solummodo philosophicarum contemplationum, aut empiricarum plane traditionum

ditionum et συλλήψεων opus, quare Celsus eum medicinam a philosophiae studio separasse memorat; primus denique Asclepiadarum scriptis mandavit, quae excogitaverat, et expertus fuit in medicina; ac miraberis sane, si eius libros accuratius pervolves, felicissimum viri in observandis morbis ingenium, providam in sanandis curam, summam in enarrandis diligentiam. Hos eius libros, quibus exposuit, aut quae sentiebat de medicinalibus rebus, aut quae expertus fuerat, postera aetas fecit maximi, in iis omnis medicae scientiae et theoreticae et practicae fontem praecipuum esse existimans. Hinc in legendo et explicando Hippocrate operam collocabant praecipuam et medici mox post eum florentes, et progressu temporis ii quos infelix istud sectarum studium in diversas partes traxerat. Et enim cuiusvis fere doctrinae asseclae id egerunt, ut, longissime quamvis aberrarent a vero tramite, quo, naturam secutus, inceserat Hippocrates, illum tamen a suis partibus stare aut crederent, aut saltem adversariis obiicerent, ideoque in scriptis eius interpretandis, iisque ad theorias, quas defendebant, accommodandis plurimum sudaverunt. Ipse quoque Galenus non minimam laborum suorum partem impendit in explanandis libris Hippocratis, quos gravissimos putavit, etsi solus in medicinae studio excellere, solusque novam sectam medicinalem, pal-



mam omnibus reliquis eripientem, condidisse videri cupidus erat. Desiit vero cum Galeno illud studium, quo superiorum temporum medici ad Hippocratem legendum impulsu fuerant. Galenum sequuti sunt medici dogmatici, post hunc auctorem viventes, Hippocrate, qui prioris aevi medicis exemplum fuerat, relicto. Empirici medicamenta sectabantur, omnem eam doctrinam, quae ex librorum lectione comparatur, ineptam putantes. Methodici, Thessalum sequuti, in stricto et laxo medicinalis scientiae summam consistere autumantes, et Hippocratem et alios medicos vituperabant, qui eorum castra non adibant. Quae omnia perpendenti mirum ulli non videbitur, et Hippocratis libros parum lectos fuisse post Galenum, et eorum, quae Hippocrates aut senserat, aut expertus fuerat in medicina, scientiam ad eos medicos, qui Galenum excipiebant, non ex genuinis purisque fontibus, sed ex Galeni libris pervenisse. Hinc etiam factum est, ut pauci essent librorum Hippocratis interpretes post Galenum viventes, utque eorum opera, quam interpretando Hippocrati impenderunt, parum utilitatis afferret.

Ex his vero, quae haecenus memoravimus, patet, enarranti interpretum Hippocrateorum antiquorum historiam summam esse curam impendendam, ut semper tempus, quo quisque interpretum vixerit, sectamque, cui addictus fuerit, respiciat, ut inde demonstret,

monstret, quid temporibus, quid sectae, quid viro sit attribuendum. Propterea, cum consilium mihi sit interpretum librorum Hippocratis antiquorum ad Arabum usque tempora historiam scribendi, primum Hippocraticam, ut aiunt, scholam pertractabo, deinde medicos, illam excipientes, pro sectarum, quas sequebantur, ratione, et eos, qui ex grammaticorum grege Hippocrati, vel edendo vel illustrando, hoc quidem temporis spatium, operam dederunt, enarrabo, postea, Galeno memorato, de iis, qui hunc sequuti sunt, disseram; ultimo denique loco eos collocaturus, qui a recentioribus iniuria in commentatorum numerum recepti sunt.

## SECTIO I.

### SCHOLA HIPPOCRATICA.

#### MEDICI HIPPOCRATEM INTERPRE- TATI HVC PERTINENTES.]

Qui mox ab Hippocrate exstiterunt medici, maxima quidem ex parte eius vestigia presserunt, si eos cum illis, qui seriori aevo vixerunt, compares; tamen et hos ab illa via, quam, natura duce, ingressus erat Hippocrates, seduxit seculi genius. Iis enim temporibus studium philosophiae inprimis cultum



medicos quoque eo protrudit, ut contemplationes theoreticas experientiae ipsi in morbis indagandis praeferrent; praeter ea Alexandri expeditionibus alieni mores, victus alienus, alienorum denique medicaminum antea incognitorum usus invaluerunt. Quae omnia effecere, ut prisca medicinae forma, qualis apud Hippocratem fuerat, sensim deleretur. Hippocrates enim, quamvis non omnem theoriam negligeret, sed ipse Empedoclis doctrinam de elementis quatuor, quibus constituatur humanum corpus, deque humoribus inde oriundis, quorum vitio morbi nascantur, reciperet, in ipsa tamen morborum curatione manifestas solum, quae morbum induxerint, causas investigavit, symptomata, affectionem comitantia, diligenter observavit, quae vero in aegro antea adfuerunt, probe respexit, nulla fere abditarum causarum, in humoribus latentium, ratione habita. Post eius vero tempora plane diversam in medicina viam incedebant medici. Quaerebant solum, quid mutatum esset in humoribus, eo fine curationis posito, ut eos aut corrigerent, aut evacua-  
rent, prout vel qualitate vel nimia copia peccare visi sunt. Ipse denique medicamentorum apparatus auctior, qui Hippocratis aevo adeo exilis erat, medicinam et magis dilatavit, et id effecit, ut a multis minus ad theoriam de morborum originibus, magis ad usum medicamentorum respiceretur.

Et



Et haec quidem fuit medicinae parvo post Hippocratis excessum tempore conditio. Protulit tamen ea aetas nonnullos homines, qui irruenti medicinae cladi obniterentur, hique medicis ansam prae-buerunt, ut in diversas postea partes secederent. Quid inde, aut emolumenti aut damni medicina ceperit, sequenti sectione perspiciemus; nunc nostrum est, medicos huius periodi recensere, qui Hippocratem interpretati sunt, eo quidem ordine, quo ipsos vixisse constat. Quorum antiquissimus est

## DIOCLES.

A patria Carystius cognominatur. Brevi post Hippocratem vixisse tempore, ex plurimis veterum testimoniis patet <sup>1)</sup>. Tantam ille homo in medicina gloriam adeptus est, ut ipse Galenus eum simul cum Hippocrate *αριστους ιατρους αμα και ανθρωπους* appellare haud dubitaret <sup>2)</sup>. Ex Asclepiadarum quidem familia ortus, tamen Pythagoreorum quoque scholas adiisse videtur, cum septenarium numerum in

A 4 rebus,

1) *Gal. de dissect. uteri, cap. 10. pg. 282. t. IV. edit. Charterii. Plin. H. N. l. 26. c. 2. Cels. praef. pg. 3. ed. Kraus. — Cl. Harles eum circa Ol. CXXXIII. vixisse refert in introduct. in lingu. graecam, T. I. pg. 540. seductus nimirum epistola Diocli adscripta ad Antigonum regem. cf. de hac epistola Schulzius in Hist. Med. Per. II. c. 1. pg. 337.*

2) *de dieb. decret. l. 1. c. 2. pg. 451. t. VIII.*

rebus, quae ad medicinam spectant, saepius observaverit<sup>1)</sup>. Anatomia eius, quamquam rudior erat et ex animalium dissectionibus hausta<sup>2)</sup>, in eo tamen a Galeno laudatur, quod primus exstiterit, qui anatomicas administrationes literis mandaret<sup>3)</sup>. Omnia animalia ex duobus consistere docuit, *ἐκ τοῦ φερόντος, καὶ ἐκ τοῦ φερόμενου*; alterum esse facultatem, quae corpus regat, alterum corpus ipsum<sup>4)</sup>. Ceterum doctrinam Hippocratis de elementis sequutus est<sup>5)</sup>. Febrem non ipsum morbum, sed morborum tantum *ἐπιγενεῖα* esse credidit<sup>6)</sup>; omnes sudores praeter naturam oriri, cum, quamdiu recte gerantur in corpore, nec cibi male coquantur a natura, fieri nequeat, ut sensibilis per cutem excernatur humor<sup>7)</sup>; nullum obtinere discrimen inter crisin morborum

1) cf. *Macrob. somn. Scipionis*, apud quem Dioclis fragmentum de generatione foetus legimus. Eadem forte ratio eum impulit, ut loco vigesimi morborum diei, quem Hippocrates criticum esse putavit, vigesimum primum poneret. cf. *Gal. de diebus decret. l. I. c. 10. pg. 465. l. 2. c. 13. pg. 492. t. VIII.*

2) quod patet ex ipsius sententia de cotyledonibus uteri, cf. *Gal. de uteri dissect. c. 9. pg. 281. t. IV.*

3) *de anat. administ. l. 2. c. 1. pg. 47. t. IV.*

4) *Gal. comm. II. in Hipp. Prognost. text. 6. pg. 623. t. VIII.*

5) *Gal. meth. med. l. 7. c. 3. pg. 156. t. X.*

6) *Gal. hist. philos. c. 39. pg. 58. t. II.*

7) *Gal. comm. I. Aphor. 15. pg. 30. t. IX. de symptom. diff. c. 6. pag.*

borum et lyfin <sup>1)</sup>). Singulari studio diaetam sanorum cum excoluisse testantur fragmenta, quae ex eius libris servavit Oribasius <sup>2)</sup>). In observandis et curandis morbis maxime Hippocratis exemplum imitatus est, ut ex Caelio Aureliano patet, qui saepissime eius medelam in morbis refert. Chirurgiam probe calluit <sup>3)</sup>).

Quo autem successu Hippocratem interpretatus sit, vix novimus, nisi quod Galenus, cum logica demonstratione contra Hippocratem disputasse, referat <sup>4)</sup>). Citantur Galeno eius commentarii in Hippocratis libros de officina medici et de articulis, quos complexus est singulari libro, cui titulum fecit *περί των κατ' ἰντεριον* <sup>5)</sup>). An et in libris, quos confecit

A 5

fecit

pg. 43. t. VII. comm. III. in l. de alim. pg. 269. t. VI. Ex hoc Dioclis placito colligere videtur Cl. Sprengel, (*Gesch. der Arzneyk. I. B. pg. 303.*) omnem sudoriferorum usum respuisse Dioclem in medicina, quod vero non fecisse, quin plurimos sudores commovisse testatur *Cael. Aur. tard. l. 3. c. 8. l. 2. c. 14.*

1) *Gal. de dieb. decr. l. II. c. 4. pg. 482. l. I. c. 9. pg. 464. t. VIII.*

2) *Collect. medic. passim.*

3) *Celsus, l. VIII. c. 20. pg. 553. Gal. comm. IV. in l. de articul. nr. 40. pg. 454. et seqq. t. XII.*

4) *comm. III. in l. Epid. t. III. pg. 87.*

5) *comm. de off. med. init. pg. 1. t. XII. comm. III. de artic. text. 23. pg. 376. t. XII. cf. Erotianus sub verbo αμβν, quod apud Hipp. l. de artic. occurrit, quod vero Diocles in l. περί των κατ' ἰντεριον interpretatus est.*



fecit *περι γυναικειων*, et *προγνωσικον*, in Hippocratis libros, eadem inscriptione praeditos, interpretatus est? — Suspicerer id equidem, Erotiani et Caelii auctoritate ductus. Ille enim, dum verba quaedam in Hippocratis libro *περι γυναικειων* occurrentia explicat, quid Diocles in haec verba scripserit, quoque affert, hic autem Dioclem in Prognostico adversatum fuisse asseverat sententiae de lumbricorum perniciē, quam vindicavit, et quidem in Prognostico Hippocrates <sup>1)</sup>. Erotianus Dioclis commentarios allegat sub verbis: *αμβην, εκτομου, κοτυληδονες, σηκαμοειδες, Φωδες*, quae adeas.

## PHILOTIMVS.

Dioclem excipit Philotimus, Praxagorae discipulus, cuius sententiis tenax inhaesit. Hinc de Praxagora, etsi Hippocratem non interpretatus est, memorandum hic est, eum de anatomica scientia primum bene esse meritum, et hominum cadavera infecuisse <sup>2)</sup>. Hippocratem enim et Dioclem, et qui ante hos fuere, anatomicam scientiam ab animalibus, quae dissecuerant, repetiisse, admodum probabile est. Primus deinde arterias a venis distin-

xit,

<sup>1)</sup> *tard. l. IV. c. 8. pg. 537. (ed. Amman. 1709.)*

<sup>2)</sup> *Gal. de dissect. uter. c. 10. pg. 282. t. IV. ubi Praxagoram recte sensisse de cotyledonibus, affert.*

xit <sup>1)</sup>, in illis statuens spiritum, vi quidem arteriis congenita <sup>2)</sup>, his vero sanguineum moveri laticem. Doctrinam de humoribus humani corporis auxit, pituita vitrea ab eo primum memorata. Nonnullis iam medicamentis hucusque ignotis usus est, quorum cognitio per Alexandri expeditionem ad Graecos pervenisse videtur <sup>3)</sup>.

Philotimus, Praxagoram praeceptorem suum et Aristotelem, quo etiam Praxagoras usus esse videtur, in medicina maxime sequutus est, neque ab utroque videtur deflexisse, nisi, quod quasdam opiniones, in quibus errarant, maiori adhuc amplexus sit pertinacia. Eo enim processit impudentiae, ut cerebrum, cuius usum ad id solum cum Aristotele adstrinxit Praxagoras, ut cor refrigeraret, plane inutile esse affirmaverit <sup>4)</sup>. In morborum tamen cum internorum tum externorum curatione felix fuit <sup>5)</sup>.

Interpretem fuisse libri de officina medici, verbo tantum meminit Galenus <sup>6)</sup>. Erotianus eum non memorat.

HERO-

1) *Gal. de differ. puls. l. 4. de dignosc. puls. l. 4. c. 2. pg. 160. t. VIII.*

2) *Gal. de Hipp. et Plat. plac. l. 6. c. 7. pg. 177. t. V.*

3) *Cael. tard. l. 1. c. 4. pg. 321.*

4) *Gal. de usu part. l. 8. c. 3. pg. 485. t. IV.*

5) *Cels. l. 8. c. 20. pg. 554. Cael. Aur. passim.*

6) *comm. I. de off. med. init. pg. 1. t. XII.*

## HEROPHILVS.

Clarissimus fere sui aevi medicus. Chalcedona patriam, Praxagoram praeceptorem nactus est, quem tamen et doctrina et fama longe superavit. Summam vero gloriam adeptus est in anatomes scientia <sup>1)</sup>, quam omnem fere ex hominum, cum demortuorum, tum maxime viventium, si Celso ac Tertulliano fides habenda est <sup>2)</sup>, dissectionibus hauerat. Singula, quae in anatome detegerat, collegit Cl. Sprengel in 1. *Versuch einer Geschichte der Arzneykunde*, I. B. pg. 376. *sqq.* apud quem etiam ex Galeno legimus, primam vasorum notionem, quae in mesenterio adsunt, in glandulas desinentium, Herophilo adscribendam esse. Aliam tamen opinionem, quam protulerat Herophilus, silentio praeteriit vir alioquin in colligendo accuratissimus, spiritum nimirum, qui in arteriis continetur, non ex corde solum ortum ducere, sed undiquaque per cutem attrahi <sup>3)</sup>; unde colligo, eum nonnullam, quamvis obscuram, de systemate absorbente corporis humani habuisse notionem. Doctrinam de pulsuum differentiis primus prodidit in libro περι ταξεως, αταξιας, ομολο-

1) Gal. comm. II. de nat. hum. pg. 137. t. III.

2) Cels. praef. pg. 7. Tertull. de anima, c. 10.

3) Gal. an in arter. sangu. adsit? c. 8. pg. 163. t. III.



ὁμολογητος τε και ανωμαλιας <sup>1)</sup>). Ex causarum, quae morbum inferant, recensione plane removit procatasticas, quare culpatur a Galeno <sup>2)</sup>). Reliqua, quae de praxi Herophili afferri possint, lubens omitto, cum animus sit, illius historiam, si tempus concesserit, singulari libello exponendi. Id tamen adhuc notandum esse existimo, quod in curandis morbis hinc inde a superioribus medicis recesserit, ideo a Galeno, modo empiricus, modo ad dimidium dogmaticus appellatus medicus <sup>3)</sup>).

Commentaria Herophili in Aphorismos Hippocratis prima sunt, quae innotuere <sup>4)</sup>), quorum exemplum manu exaratum servatur in Bibliotheca Ambrosiana, quae Mediolani est <sup>5)</sup>). Quae contra Prognosticum confecit commentaria, valde culpantur Galeno, cum in illis obscura atque sophistica argumentatione Hippocratem aggressus esset, uti consueverat <sup>6)</sup>). Quid, quod ipse Galenus peculiarem Herophili de ea re confutationem promiserat, quam  
vero

1) *Gal. de diff. puls.* l. 2. c. 6. pg. 48. t. VIII.

2) *Gal. de caus. procatast.* c. 4. t. VII. pg. 256.

3) *comm. VII. ad Aph.* 70. pg. 333. t. IX. meth. med. l. 3.

4) *comm. VII. ad Aph.* l. c. nisi corrupta huius loci lectio suspicianda est; cf. infra ea, quae de Bacchio loquimur.

5) *Montfauc. biblioth. bibl.* t. I. pg. 498.

6) *Gal. comm. I. in Prognost.* pg. 589. t. VIII.

vero non perfecit <sup>1)</sup>). Ceterum explicationem vocum, quibus usus est Hippocrates, scripsisse discimus ex Galeno et Erotiano, qui eius explicationis quoque specimen dedit <sup>2)</sup>).

Librorum inter Hippocrateos relatorum *περι τροφης*, et *περι διαιτης* auctor nonnullis creditus est <sup>3)</sup>).

## SECTION II.

### SCHOLA EMPIRICA.

#### MEDICI EX HAC ET DOGMATICORVM SECTA HIPPOCRATEM INTER- PRETATI.

Scholam condidit Herophilus, plurimis auditoribus gaudentem, quos *απο της οικειας του Ηροφίλου* nominat Galenus. Ex hac schola prodiit Philinus Cous, qui, a praeceptore Herophilo occasione accepta, nova medicinae tractandae methodo usus est, eo-  
que

<sup>1)</sup> *Gal. l. c.*

<sup>2)</sup> *Gal. explan. voc. Hipp. pg. 80. t. II. Erot. verbo αλυσμεν, ed. Franz. pg. 30.*

<sup>3)</sup> cf. *Ant. Musa Brasavol. comm. in Aphor. Hipp. I. 13. pg. 71. III. 17. pg. 446.* qui ex Galeno ea adfert: locos ipsos in Galeno, etsi summam curam adhibui, frustra quaesivi. *Fabric. Bibl. gr. ed. Harles, t. II. pg. 584.*

que ipso novae inter medicos sectae auctor existit. Qui hanc sectam sequebantur, id potissimum fecerunt, ut inanem illam causarum abditarum in morbis explorationem negligerent, elementorum corporis humani et humorum diversorum doctrinam respuerent, verbo, anatomes et physiologices usum ad praxin medicam negarent. Contra ea summum cognitionis principium ab experientia repetierunt, eamque sibi, tum ex fida et diligenti contemplatione omnium, quae in aegris mutata esse sensibus patent, tum ex reminiscentia eorum, quae in eodem symptomatum concursu aut profecere, aut nociva fuerunt, cum denique ex comparatione morbi similis cum simili (μεταβασιν απο του ομοιου appellabant) collegerunt. Hanc tripodem omnis experientiae statuentes, se ipsos a principio, quod in arte medica posuerunt, empiricos nominaverunt, illis contrarii et doctrina et ipso nomine, qui, amissa nunc Hippocraticorum denominatione, dogmaticos se dicebant. Cum his sectis partium studium in dies increvit; dogmaticos empirici, empiricos dogmatici impugnare non dubitarunt. Veritatem utraque pars a suis partibus esse, neque Hippocratem quid aliud, nisi quod cum sectae suae placitis conveniret, docuisse, tenaciter affirmavit. Hinc ab utraque secta Hippocratis libri lecti, commentariis illustrati, confutati sunt, prouti sectae ratio, quam amplectebantur medici,



dici, ferebat. Idque effecit, ut haec periodus interpretum Hippocratis feracissima esset. Hos omnes, quotquot cogniti sunt, huc referam, servato temporis, quo vixerunt, et scholae, quam sequuti sunt, discrimine.

## I. DOGMATICI, POST EMPIRICORVM SECTAM EXORTAM.

Hi omnes fere ad scholam Herophili referendi sunt, donec ea plane desit, aedulis eius ad empiricorum sectam, ut videtur, transeuntibus. Primus ex iis fuit

### MANTIAS.

*Μαντίας*, discipulus Herophili, nec eius scholam derelinquens <sup>1)</sup>. In re medicamentaria maxime probatus est Galeno, qui etiam plurima eius scripta enumerat <sup>2)</sup>. Primus compositiones medicaminum collegit <sup>3)</sup>. Ipse in re medica instituit Heraclidem Tarentinum, qui postea ad empiricos transfugit <sup>4)</sup>.

Commentatum esse Mantiam in Hippocratis librum κατ' ἰσχυρίων, memorat Galenus <sup>5)</sup>.

BAC-

1) *Gal. de comp. med. sec. loc. l. 6. c. 9. t. XIII. pg. 518.*

2) *de simpl. medic. facult. l. 6. prooem. pg. 144. t. XIII.*

3) *Gal. de compos. med. sec. gen. l. 2. c. 1. pg. 672. t. XIII.*

4) *de compos. med. sec. loc. l. 6. c. 9. pg. 518. t. XIII.*

5) *comm. I. in l. de off. med. text. 1. pg. 1. text. 5. pg. 14. t. XII.*

## B A C C H I V S.

Tanagra ortus. Herophili auditorem fuisse, inde probari potest, quod coaevus fuit Philino, qui contra eum VI. libris scripsit <sup>1)</sup>). Memorabilia Herophili eiusque haereseos literis consignavit. A nonnullis empiricorum gregi adnumeratur iniuria; lectionem enim vulgatam illius textus in Commentario Galeni ad VIII. Aphorismorum sectionem, p. 533. t. IX. qua sententiam istam evincere student, mendosam esse, sicque legi debere „ὁ Ἡεροφιλεῖος Βακχίος,, iam probavit Schulze, si adire velis eius Hist. Med. pg. 382. Quid? quod, dogmaticum fuisse Bacchium, optime docemur, Caelii Aureliani textum <sup>2)</sup>), quo Bacchii meminit, omni partium studio abiectio, perlegentes. Commentatus est in plures eosque obscuriores libros Hippocratis <sup>3)</sup>: Commentariorum eius in VI. librum Epidemiorum, in Aphorismos, mentio fit a Galeno <sup>4)</sup>). Tertium Epidemiorum librum in publicum prodire curavit cum emendationibus <sup>5)</sup>). Auctor quoque fuit τῶν συντάξεων τριῶν λεξέων τῶν Ἱπποκράτους, e quibus plurima decerpfit Erotianus <sup>6)</sup>).

HERA-

1) *Erot.* pg. 8.

2) *chronic.* l. 2. c. 10. pg. 390.

3) *Gal. comm.* I. in l. de off. med. pg. 2. t. XII.

4) *comm.* I. in VI. *Epid.* pg. 354. t. IX.

5) *Gal. comm.* II. in III. *Epid.* pg. 244. t. IX.

6) pg. 8. et saepiss. Consulas Franzii Indicem auctorum in Erotiano occurrentium.

## HERACLIDES ERYTHRAEVS.

Chrysermi auditor, Herophileus <sup>1)</sup>. Apollonii Muris condiscipulum fuisse, ex Strabone apparet <sup>2)</sup>. Commentariis illustravit Epidemiorum librum VI. spurium, in eo a Galeno castigatus, quod minorem curam in probandis emendationibus adhibuit, quas ex ingenio textui inseruerat <sup>3)</sup>. Ad eruendum characterum sensum, quos passim III. libro Epidemiorum immixtos conspiciamus, symbolam dedit <sup>4)</sup>.

## ZENO HEROPHILEVS.

Hunc post Heraclidem Erythraeum vixisse abunde patet ex Erotiani loco, quo docetur eum serius floruisse, quam Zeuxidem, Heraclidi Erythraeo coaevum <sup>5)</sup>. Galenus eum maximopere laudat <sup>6)</sup>. Literarum characteres, III. libro Epidemiorum adscriptos subinde, explicavit, qua ex re magna illi fuit contentio cum Apollonio Empirico, qui contra eum scripsit, quem sequutus est, Zenone respondente, Apollonius ὁ Βιβλας dictus, qui vehementer in Zenonem, iam demortuum, inuectus est <sup>7)</sup>. Et Gale-  
ni

1) *Gal. de diff. puls. l. 4. c. 9. pg. 95. t. VIII.*

2) *l. XIV.*

3) *comm. I. in VI. Epid. t. IX. pg. 354.*

4) *Gal. comm. II. in III. Epid. pg. 240. t. IX.*

5) *pg. 216.*

6) *de diff. puls. l. 4. c. 8. pg. 93. t. VIII.*

7) *Gal. comm. II. in III. Epid. pg. 238. et 243. t. IX.*



ni vituperationem inde sibi contraxit. Eorum quoque numerum adauxit, qui verborum obscurorum Hippocratis expositionem dederunt <sup>1)</sup>. Καμμαρον Hippocrati cicutam significare credidit.

## DIOSCORIDES PHACAS.

Magnam reperimus virorum, qui Dioscoridis nomen gesserunt, confusionem, cui tamen optima medela adhibita est in Fabricii Bibliotheca Graeca, ad cuius quartum tomum, edit. Harles. pg. 676. lectorem benevolum delegare lubet.

Noster, ab ore lentibus dehonestato Phacas cognominatus <sup>2)</sup>, ex Herophilea schola fuit <sup>3)</sup>, et Antonii Cleopatraeque temporibus vixit <sup>4)</sup>. Idem est, quem alibi Galenus Alexandrinum appellat, probe distinguendus ab eo, quem nomine Iunioris insignit <sup>5)</sup>. Caeterum de eo nil compertum habemus, nisi quod septem libris voces Hippocrateas explicaverit, et quidem eo studio, ut se superiores

B 2

medi-

1) Erot. pg. 86. 216. Gal. expos. voc. ed. Franz. pg. 490.

2) Suidas ad voc. Διοσκουριδης.

3) Gal. prooem. ad gloss. Hipp.

4) Suidas, l. c.

5) Gal. expos. voc. Hipp. pg. 79. t. II. (edit. Franz. pg. 402. 484. 486.)

medicos, qui idem argumentum pertractaverunt, confutaret <sup>1)</sup>).

Hique omnes sunt, qui ex Herophili schola prodeuntes dogmatici, in Hippocratis libros enarrationes scripserunt; caeteros dogmaticos, qui posteriori aevo vixerunt, referam, postquam Asclepiadem, sectamque Methodicam, eo auctore natam, memoravero. Iam vero ad Herophileos Empiricos transibo.

## II. HEROPHILEI EMPIRICI HIPPOCRATEM INTERPRETATI.

### PHILINVS.

Herophili discipulum hunc fuisse, supra iam diximus. Qui, data a praeceptore occasione, empiricam sectam a rationali separavit <sup>2)</sup>, Cōus a patria cognominatus. Medicamentorum, ab eo in usum vocatorum, passim mentionem facit Galenus <sup>3)</sup>. Sex libris, quibus Hippocratis voces exposuit, Bacchio coaevo adversatus est <sup>4)</sup>. Bis citatur Erotiano <sup>5)</sup>.

GLAV-

<sup>1)</sup> *Erot.* pg. 8.

<sup>2)</sup> *Gal. introduct.* c. 4. t. II. pg. 363.

<sup>3)</sup> *de compos. med. sec. loc.* l. 7. c. 6. t. XIII. pg. 558.

<sup>4)</sup> *Erot.* pg. 8.

<sup>5)</sup> pg. 32. 68.

## GLAUCIAS.

Ante Zeuxidem et Heraclidem Erythraeum eum vixisse ex Galeno apparet <sup>1)</sup>. Neque, ut Fabricius autumat, quem etiam Franzius <sup>2)</sup> sequitur, Heraclidis Tarentini et Apollonii praeceptor fuit. Plurima Hippocratis scripta illustravit, probante Galeno, qui eius interpretationes l. VI. Epidemiorum et l. de humoribus citat. Ultimum librum Hippocrati Coo falso tribui, et ad alium Hippocratem iuniorem pertinere credidit <sup>3)</sup>. Neque emendationibus suis textus librorum Hippocratis, neque sensus recta explicatione laudes meruit <sup>4)</sup>. Eo fine in Hippocratem commentatum esse refert Galenus, ut ex illius libris empiricae scholae doctrinas defenderet <sup>5)</sup>. Glossarium Hippocratis, quod magno volumine ad literarum ordinem composuit, subinde citatur Erotiano <sup>6)</sup>. Addidit sin-

B 3

gulis

1) *Galen. comm. I. in VI. Epid. pg. 354. t. IX.*

2) *Fabric. bibl. graec. t. XIII. pg. 171. Franz. index auctlor. in edit. Erotiani. Locus Galeni, meth. med. l. II. pg. 57. t. V. Ed. Bas. gr. quo nititur Fabricius ad probandam suam sententiam, nil aliud, quam Glauciam, Apollonium et Heraclidem Tarentinum fuisse empiricos, declarat.*

3) *Gal. comm. I. in l. de humor. t. VIII. pg. 508.*

4) *Gal. comm. I. in VI. Epid. pg. 354. t. IX. comm. I. in l. de humor. t. VIII. pg. 535. et 536.*

5) *comm. III. in VI. Epid. pg. 464. t. IX.*

6) *pg. 8.*



gulis vocibus, quas illustravit, loca, quibus in Hippocrate leguntur <sup>1)</sup>).

## APOLLONII PLVRES.

Arduus est, quem nunc suscipimus labor, Apolloniorum historiam, quotque ex illis, qui medici fuerunt, Hippocrati illustrando operam navaverint, inquirentes. Ipsi enim veteribus auctoribus invicem dissentientibus, insuperabiles fere difficultates in hac quaestione eruenda nobis obiiciuntur. Apud Erotianum multos legimus Apollonios, quos vel expressis verbis explanatores Hippocratis vocat, vel quorum nomina solum recenset. Sunt vero hi:

*Apollonius Cittieus*, XVIII libros contra Heraclidem Tarentinum conscripsit, eo quidem consilio, ut Hippocratis verba dilucidaret <sup>2)</sup>).

*Apollonius*, *Ophei* filius, *Bacchii* librum explanatorium in epitomen redegit <sup>3)</sup>).

*Apollonius Senior*, explicavit vocem *αμβην* <sup>4)</sup>).

*Apollonius Memphites* scripsit librum de articulis <sup>5)</sup>).

*Apollonius* δ *Θη* ad vocem *αμβην* <sup>6)</sup> commentatus est.

<sup>1)</sup> Erot. pg. 16.

<sup>2)</sup> Erot. pg. 10. saep.

<sup>3)</sup> id. pg. 8.

<sup>4)</sup> id. pg. 86.

<sup>5)</sup> *ibid.*

<sup>6)</sup> *ibid.*

est. — Galeno leguntur, qui Hippocrati illustrando operam dederunt:

*Apollonius Empiricus* <sup>1)</sup> et

*Apollonius Biblas* <sup>1)</sup>.

Ceteros Apollonios medicos, a Galeno aliisque memoratos, lubens omitto, ne ipsa eorum multitudine opprimamur.

Vt vero clarius pateat, quid de his Apolloniis, quos memoravimus, statuendum sit, e Galeni dictis intelligimus, Apollonium Empiricum contra Zenonem libro peculiari scripsisse, et eo respondente ac dehinc mortuo, manes illius aggressum esse Apollonium, ὁ Βιβλας cognominatum. Porro in spurio Galeni libro, qui introductio vocatur, duos invenimus Apollonios Antiochenos, patrem et filium. Adde quod ex Apollonio, quem seniore vocat, Zenonis sententiam de significatione vocis ἀμβην emendaverit Erotianus. Hinc mihi persuadeor, quinque hos Apollonios, Empiricum, Biblam, seniore, et duos Antiochenos male esse confusos, et hunc in modum colligendos.

I.) Apollonius, Antiochenus, pater, Galeno etiam Empiricus, Erotiano senior dictus, is fuit, qui primum contra Zenonem scripsit.

II.) Apollonius, Antiochenus, filius, Biblas cognominatus,

B 4

minatus,

<sup>1)</sup> *comm. II. in III. Epid. pg. 239. 240. t. IX.*

minatus, parentem contra Zenonis invectiones defendit.

Hoc utroque autem antiquiorem esse Apollonium Cittieum, inde colligimus, quod in Heraclidem Tarentinum confecisse eum sciamus libros XVIII. ad Bacchium. Heraclides vero atque Bacchius priores fuerunt Zenone Herophileo, Apolloniorum Antiochenorum adversario.

Denique Apollonium Ophei eundem cum Apollonio Fera esse iam autumavit Fabricius <sup>1)</sup>, in cuius sententiam totus abeo.

Anne vero Apollonius uterque, Cittieus et Memphites, qui alter Stratonis discipulus, et Erasistrateus fuit, in libris, quos scripserunt de articulis, Hippocratem de eadem re libellum conscribentem interpretati sunt? —

An et eosdem Celsus denotat <sup>2)</sup>, cum duorum Apolloniorum chirurgorum meminit? — Crediderim sane — sed satis de his, progrediamur ad

## HERACLIDEM TARENTINVM

Nobilissimum empiricorum, qui unquam exstiterunt. His, qui eum ante Galenum vixisse putant, Celsi verba <sup>3)</sup>: „*quem (Serapionem) Apollonius et Glau-*  
*cias,*

1) *Bibl. graec. t. XIII. pag. 75.*

2) *l. 7. praef. pag. 406.*

3) *praef. p. 3.*



*cias, et aliquanto post Heraclides Tarentinus, et alii quoque non mediocres viri sequuti*“ obstant. Primum Mantiae, Herophilei, institutione usus est, deinde ad empiricos deflexit <sup>1)</sup>, vir caeteroquin bonus, a Galeno saepissime laudatus, ideo forsan, quod nonnunquam dogmaticorum fere more se gessit in medicina <sup>2)</sup>. Praecipue vero cum Mantia medicamentorum vires experimentis tentavit <sup>3)</sup>. Plurima scripsit, quae interciderunt. Omnes libros Hippocratis commentariis illustravit <sup>4)</sup>, ex quibus illos, quos in Aphorismos <sup>5)</sup> in II. III. et VI. Epidemiorum <sup>6)</sup>, in I. de humoribus <sup>7)</sup>, et in illum de officina medici <sup>8)</sup> confecit, Galenus non sine laude commemorat. Ad erudendum, quid sibi vel intliterarum characteres, tertio Epidemiorum libro a Mnemone adscriptae, operam contulit <sup>9)</sup>. Expositionem quoque vocum Hippocratis

B 5

in

1) Gal. de compos. med. sec. loc. l. 6. c. 9. pag. 518. t. XIII.

2) Gal. de dieb. decret. l. 1. c. 2. pag. 452. t. VIII.

3) Gal. de comp. med. sec. gen. l. 2. c. 1. pag. 670. t. XIII.

4) Gal. comm. I. de humor. pag. 508. t. VIII.

5) comm. VII. Aphor. 70. pag. 333. t. IX.

6) comm. II. in II. Epid. pag. 141. comm. I. in III. Epid. p. 240. comm. I. in VI. Epid. pag. 304. t. IX.

7) comm. I. de humor. pag. 508. t. VIII.

8) comm. I. de off. med. c. 1. pag. 2. t. XII.

9) Gal. comm. I. in III. Epid. pag. 240. t. IX.

in tribus libris dedit, quam Apollonius Cittieus perstrinxit, XVIII. libris ad Bacchium conscriptis <sup>1)</sup>.

## NICANDER.

Eum hoc loco memorare non dubito, etsi non Herophileus fuit, nec ab aliis inter commentatores refertur, cum, teste Suida <sup>2)</sup>, Prognosticorum Hippocratis poeticam paraphrasin elaboraverit. Floruit, Colophone natus, regnante Attalo, ultimo Pergamorum rege, qui ab A. V. C. 616. ad 621. imperium tenuit, et cui carmen de Theriacis dicatum esse voluit.

## ZEUXIS.

In nummis, quos descripsit Mead <sup>3)</sup>, Xeuxis scribitur. Strabonis aevo scholae medicae praefuit, quae Laodiceae floruit <sup>4)</sup>. Empiricus, in omnia Hippocratis opera commentarios confecit <sup>5)</sup>, ideoque saepissime citatur a Galeno, cuius vero temporibus Zeuxidis commentarii non multum valebant <sup>6)</sup>.

Ex

<sup>1)</sup> *Erot. pag. 10. saep.*

<sup>2)</sup> sub verbo *Nicandeg.*

<sup>3)</sup> *diff. de nummis Smyrnaeis, in honorem medicorum percussis, tab. I.*

<sup>4)</sup> *Strabo, l. geogr. XIV.*

<sup>5)</sup> *Gal. comm. I. de humor. pag. 508. t. VIII.*

<sup>6)</sup> *Gal. comm. II. in III. Epid. pag. 229. t. IX.*

Ex his vero characterum Epid. libr. III. additorum historiam mutuavit Galenus <sup>1)</sup>. Interpretes antiquiores, quibus usus est in commentariis suis, tanquam male de Hippocrate promeritos vituperavit <sup>2)</sup>. Criticam textui quoque ipsi opem intulit, infelix emendator, quam ob rem in Galeni et Rufi Ephesii reprehensionem venit. Secundum librum Zeuxidis τὸν ἐξηγητικὸν allegat Erotianus ad verbum καμμαρον, et eadem occasione Galenus in expositione vocum Hippocratis.

Ultimus hic est Herophileorum, tam Empiricorum, quam Dogmaticorum, quem in Hippocratis opera commentatum esse, notum est. Et horum quidem, qui haecenus memorati sunt, nonnulli feriori aevo exstiterunt, quam Asclepiades, quem proxima sectione pertractabimus, attamen, ne ipsi Herophili scholae turba inferatur, hoc ipso loco omnes Herophileos congeffimus, sequenti periodo eos allaturi dogmaticae et empiricae sectae affeclas, qui recentiores sunt Asclepiade, nec ad Herophili scholam pertinent.

SE-

1) Gal. l. c.

2) Gal. comm. III. in III. Epid. pag. 300. comm. II. in VI. Epid. pag. 427. t. IX.



---

 SECTIO III.

 SECTA METHODICA.
 

---

Tali vero contentione, quam antea diximus, inter se dimicantibus dogmaticis et empiricis medicis, alia interim secta condita est, methodicae nomen gerens, quae ab utraque multum discrepavit. Eius primae origines ex Epicuri doctrina de ortu rerum repetendae sunt. Hunc enim omnino fere sequutus est Asclepiades Bithynus, a quo scholae methodicae conditor Themison institutus est, quod luce clarius demonstravit Cl. Gumpert in commentatione de Asclepiade Bithyno, quae Ienae prodiit 1794. Qui cum enim, Epicuro primo auctore, omnia ex atomis, eorumque prima coniunctione, (*συνγκρίσεις* Epicurus, corpuscula Asclepiades vocat) et vacuo, sive meatibus, (ultima denominatione Asclepiades, priore Epicurus usus est) in quibus atomi moveretur, constare crederet, morborum originem ex turbato corpusculorum per meatus transitu deduxit, cuius causam vel corpusculis, vel meatibus, tribuit. Meatum vitium in nimia amplitudine aut raritate posuit. Istam vero causam a meatibus petitam, corpusculorum ratione neglecta, ad totius corporis conditionem applicavit Themison, ac duo tantum morborum genera esse statuit, strictum et laxum, quae communia, communitates,

appel-

appellavit, hinc omnem medicam indicationem non nisi duplicem esse contendens, relaxandi, si strictum, stringendi, si laxum aegroti deprehenderetur corpus. Tertium genus serius addidit, quod mixtum nominavit, ad duo autem summa morborum genera ab aliis merito relatum; quod tunc adesse existimavit, cum pars corporis quaedam adstricta esset, aliam vero partem relaxatio teneret. Curationem ipsam in varios circulos (Cyclos vocabat) divisit, quos iterum in diatritha digessit; qua de re consulatur praeceptoris mei in cineres colendi, qui et me in elaborando hoc opusculo consilio librisque benevole adiuvit, Cl. *Ackermanni* Historia medicinae, ubi haec omnia luculentissime exposita invenies, a pag. 130. ad 164. Nec fuit, quod novum id medicinae systema hominibus displiceret, inchoatum a viro, ingenii acumine, eruditionis amplitudine, orationis ubertate, ac, quod summum est, blandiori artis exercitio omnibus commendatissimo, compositum deinde et exstructum ab homine, cui ad summam senectutem vitam protraxisse, suamque doctrinam contra omnes adversarios feliciter defendisse, et ubique divulgasse per sectatores contigit; exornatum tandem a vanissimo artis suae gloriatore, qui luxuriae hominum serviebat, tantaque impudentia erat, ut, totam medicinam sex mensium spatio se traditurum esse cuilibet, profiteri haud erubesceret. Horum quo-



quoque virorum auctoritate factum est, ut medicinam Romani, spretam superiori aevo et expulsam ex Romana urbe cum Archagathos, denuo reciperent ac colerent, quin plures etiam scholas medicas Romae conderent.

Caeterum ex parte quidem dogmatica, ex parte empirica fuit haec medicina. Dogmaticorum causas abditas negligentes, indicationem ad morbos curandos ex iis quidem, quae in aegrum cadebant, repetierunt, empiricorum more; ab his iterum in eo discedentes, quod ex symptomatum manifestorum concursu indicationem summi morborum generis, in aegro obvii, conficerent, eique soli, non symptomatibus, ut empiricis solitum erat, medelam adhiberent.

In ista quoque schola medici floruerunt, qui in Hippocratem commentati sunt, quorum princeps est

## ASCLEPIADES.

Ab urbe, quo natus est, Prusienſis, a provincia, Bithynus nominatus. Priore septimi ab urbe condita ſeculi parte Romam ſe contulit, ubi Rhetoris officio primum functus, poſtea in medicinam ſtudio contulit, in eaque methodicae, ut iam expoſitum eſt, ſectae fundamenta iecit. Sapientiſſimorum illius aevi virorum, Mithridatis, Craſſi, aliorumque familiari uſus eſt conſuetudine. cf. Bianconi *Briefe ueber den Celfus, ueberſ. von Krauſe, Leipz.*



1781. pag. 21 *seqq.* qui eum circa A.V.C. 663. fato defunctum esse, probavit. Quae de illo singula notari merentur, silentio praetereo, ne Iliadem post Homerum cantasse videar, cum Cel. Gumpert peculiari commentatione huius viri historiam in publicum prodire curavit.

In Hippocratis libris obscuriores tantum eum explicasse Galenus testatur <sup>1)</sup>, qui fragmentum ex commentario Asclepiadis in l. de officina medici, quod hic adiicere lubet, ab interitu conservavit. Pertinet autem id ad verba Hippocratis in illo libro occurrentia: ὡν δ' ἂν ἀποσῇ, ταναντία. Quod effatum de fasciis intelligens, ita interpretatus est: „ ἐν ᾧ  
 „ σχηματι του μερους επιτιθεντος σχηματος επιδεσμος  
 „ ἀποσῇ, τῷ ἐναντιῷ τούτῳ σχηματι τὴν ἐπίδεσιν ποι-  
 „ ου. ὅιον ἐκτεταμένου του ἀγκωνος, ἐπειδὴν ὁ βρα-  
 „ χίων καταδεθῇ, ὁ ἐπίδεσμος οὐ μένει, ἀλλ' ἀφίσα-  
 „ ται, τουναντίον σχημα τῇ ἐκτάσει κατασκευασας.  
 „ ἐπεὶ δέ, τούτεσι, καμψας τον ἀγκωνα, ἐπιδει παλιν.  
 „ ἐπεὶ κατὰ φύσιν μὲν σχημα τοῖς σκελεσιν ἐστὶ τὸ ἐκ-  
 „ τεταμένον, ἐὰν καὶ κεκκαμένον των σκελων ἐπιδῆσας,  
 „ ἐκτεῖναι κελύσης, μεταβαντων των μυων εἰς αλλους  
 „ τοπους, ὁ ἐπίδεσμος ἀποσῇσεται ἀπ' ἐκείνων, ἀφ' ὧν  
 „ μυες ἀπεχωρησαν, τὸ ἐναντίον σχημα του κατακαμ-  
 „ μένου ποιήσας, ἐπειδὴ, τούτεσι, ὁ ἐκτεῖνας τὰ σκελη  
 „ ἀποδειν, ὅπερ καὶ κείσθαι μέλλει σχηματι <sup>2)</sup>.“

THE-

1) comm. I. in l. de off. med. init. pag. 2. t. XII.

2) Gal. comm. II. in l. de off. med. text. 29. pag. 68. t. XII.

## THESSALVS TRALLIANVS.

A parentibus infimae fortis natus <sup>1)</sup>, Neronis tempore vixit, ad quem epistolam conscripsit nugarum, gloriationis vanae et contemptus medicorum, qui ante eum fuerant, plenissimam <sup>2)</sup>. Quin et Hippocratem ipsum in ea arrodit. Themisonem audivit, tamen ab eo nil in Hippocratica arte accepisse, omnia se sibi debere, in eadem epistola praedicat. Sectam Methodicam, cuius prima fundamenta Asclepiades et Themison iecerant, omnino perfecit <sup>3)</sup>, novamque ei μετασυγκρισεως addidit doctrinam, quo verbo, a dogmaticis medicis mutuato, ipsam rationis, quae inter meatus et atomos est, permutationem intellexit, quae in eo casu perficienda esset, quo omnia vel stringendo vel relaxando corpus morbi sanandi conamina male successissent <sup>4)</sup>. Remedia semper ea adhibuit, quae affectioni contraria essent <sup>5)</sup>. Neque prorsus spernenda est, quam de purgantium medicinarum actione et usu amplexus est, sententia, iis succos inquilinos primum corrumpi, deinde vero evacuari, exemplo ad probationem

1) Gal. meth. l. I. c. 3. pag. 8. 10. t. X.

2) Gal. meth. med. l. I. c. 2. pag. 3. t. eod.

3) Gal. de opt. secta, c. 26. pg. 323. t. II.

4) Gal. meth. med. l. 4. c. 4. pg. 91. t. X. de fac. simpl. med. l. 5. c. 25. pg. 140. t. XIII.

5) Gal. de comp. med. sec. gen. l. I. c. 4. pg. 649. t. XIII.

tionem suae opinionis dato, quo, purgantibus medicinis homini ingestis, quamvis is sanissimus sit, materias maxime corruptas evacuari docemur <sup>1)</sup>). Hippocratem eo solum studio legit et interpretatus est, ut confutaret praecepta, quae tradiderit vir optimus <sup>2)</sup>). Contra aphorismos Hippocratis eum librum confecisse, ex Galeno patet <sup>3)</sup>). Quin in librum de diaeta acutorum separatim scripserit, quod in Fabricii Bibl. graeca, t. II. ed. Harles. pg. 601. assertum est, dubitamus, quod eo loco, qui ad probandum id ex Galeno adducitur, nil aliud docemur, quam quod Thessalus Hippocratem, nimia ciborum copia data, aegrotis nocuisse, alicubi criminatus sit.

## SORANVS.

Ephesius, Menandri filius, a Galeno ad Methodicorum gregem relatus <sup>4)</sup>). Ante Traianum vixit, et Attalum, de quo mox loquemur, discipulum in medicina habuit. Fragmentum eius de alopoecia servavit posteris Galenus <sup>5)</sup>), et alterum de fasciis Char-

1) *Gal. advers. Julian. c. 8. pg. 391. t. IX.*

2) *Gal. l. c. pg. 377.*

3) *ibid.*

4) *cf. Gal. Introd. Cap. 4. T. II. pag. 363.*

5) *de compos. sec. loc. l. I. c. 2. p. 331.*



Charterius tomo XIII. editionis suae Operum Hippocratis et Galeni excudendum curavit.

Num vero idem is sit habendus cum eo, quem Oribasius inter commentatores Aphorismorum refert, quos in tres sectiones diviserit <sup>1)</sup>, mihi quidem non liquet, cum neque Galenus, neque Erotianus, nec quisquam alius de illo interprete aliquid memoriae tradiderit.

## ATTALIO.

Huius viri notitiam dedit Oribasius, ubi de interpretibus Aphorismorum loquitur. Neque fortassis diversus ab Attalo, quem Sorani discipulum et Galeni coevum, imperante Traiano, Romae non ignobilem fuisse medicum, ex ipso Galenus discimus <sup>2)</sup>.

## IVLIANVS ALEXANDRINVS.

Apollonii Cyprii auditor, Galeni temporibus Alexandriae medicinam professus est. Methodicorum auctoritatem scriptis adiuvit, quamvis saepius ab Asclepiade, ceterisque Methodicis discederet. Octodecim libris in Aphorismos calumniose scripsit, quorum secundus in Galeni manus pervenit; is vero, initio libri lecto, quo Hippocratem, in Aphor. 2. l. l. falsa protulisse, inculpat, extemplo ad eius refu-

1) Oribas. comm. in aphor. praef.

2) Gal. meth. med. l. 13. t. X.

refutationem se adcinxit, ut ipse confessus est principio libri, adversus Iulianum <sup>1)</sup>). Iam vero ex Galeno fragmenta libri Iulianeī describimus :

„ εν τησι ταραχησι της κοιλης, ως το παρα-  
 „ λειπομενον του αφορισμου απαν, ριζαν τε και πηγην  
 „ εχειν, το, οτι πληθος υγρων νοσοποιει τα σωματα,  
 „ κατ' εννοιαν συνεκτικου αιτιου, οδεν αποδεδειγμενον το,  
 „ ουκ εν υγροις ειναι αιτια των παθων, ψευδης γαρ η  
 „ δοξα, συνεποδεδεικται και η του αφορισμου μοχθηρια,  
 „ οτι αδηλω σπερματι επονται ψευδη.“ cf. Gal. adv.  
 Iul. 1. cap. 6. ad initium; et sub finem sequens legitur Iuliani fragmentum :

„ αυτικα εν τω αφορισμω λημμα συνηρπαθαι ουκ  
 „ αποδεδειγμενον, το, οτι υγρου πληθος νοσοποιει, η  
 „ μεταβολη προς το ουκ οικειον της ιδιας ποιιοτητος,  
 „ ονομα ιατρων παιδες εθεντο κατα του ολου ειδους,  
 „ διαφθοραν, ως τε του νοσοποιου αποκρινομενου, ωφε-  
 „ λειαν εσεσθαι, φανταζεται σφοδρα. τα μεν προσθεν  
 „ την απο του αμαχου φαινομενενην κρισιν, υγρου τινος  
 „ εν τω σωματι πληθος, της νοσου το αιτιον ειναι  
 „ νομιζειν, η ου πληθος μεν, τροπην δε. αδιανοητον  
 „ γαρ και προς την αληθειαν ασυμφωνεν τοδε τυγχανει.  
 „ ωμην γαρ τα παθη ευλυτα παντα, και αν ην τι χει-  
 „ νιον, η τε θεραπεια πασα μονοειδης, ου δ' ηντιουν  
 „ δυσχερειαν εργωδη εχουσα. απλουν γαρ ην, εκ παρα-  
 C 2  
 κειμε-

1) t. IX. pg. 376.

„ κειμένου κενώσαι το νόσοποιον, και αυτικα εν αρχη,  
 „ και κατα την πρωτην ὑπόστασιν λυειν το παθος ὡς  
 „ ἐνός δεισθαι μόνου κενωτικου βοηθηματος, και τουτο  
 „ παρα παντα καιρον ενεστωτα πεσοντα ὀριζειν, και αἰ-  
 „ ματος μεν οντος, μονη αρχεισθαι φλεβοτομια. φλεγμα-  
 „ τος δε, φλεγμαγωγῳ, χολης δε, χολαγωγῳ.“

Confecto nunc methodicorum medicorum elen-  
 cho, qui Hippocratem illustraverunt, ceteros medi-  
 cos, dogmaticos non minus quam empiricos, per-  
 tractabo, qui post Asclepiadem usque ad Galenum  
 vixerunt, neque ad Herophileos referri merentur.

Ad DOGMATICOS pertinent, qui sequun-  
 tur, et primo quidem loco

### RUFVS EPHESIVS.

Quonam tempore is vixerit, inter eruditos  
 non convenit, quum nonnulli, auctoritate Suidae  
 nixi, Traiani, alii, Tzetzen sequuti, Cleopatrae  
 temporibus eum adscribant. Attamen satius est,  
 eum ad Traianum referre, quam opinionem etiam  
 amplexus est et defendit Clinch in praefatione, editio-  
 ni operum Rufi superstitem praemissa. Ex operibus  
 eius, quae adhuc restant, dogmaticum fuisse medi-  
 cum, elucet, dolendum vero est, plurimos scripto-  
 ris tam probati libros interiisse, quorum catalogum  
 repe-



reperies in Fabricii Bibl. graec. ed. Harles. t. IV. pag. 716 *seqq.* Indici huic addimus librum Rufi *Θηριακων*, quem citat Galenus <sup>1)</sup>. Eidem quoque summo-  
pere laudatus est, cum Sabino *Ιπποκράτους συγγραμ-  
μασιν ὁμιληκοτον ανδρα ου παρεργως* ab eo nominatus.

Complura Hippocratis opera interpretationibus suis illustravit, eo quidem modo, ut lectiones pravas, a prioribus commentatoribus temere textui illatas, reiiceret, vetustamque scripturam renovaret <sup>2)</sup>. In Aphorismos ab Oribasio <sup>3)</sup>, in Prorrheticum <sup>4)</sup>, Epidemiorum VI. <sup>5)</sup> et libr. de humoribus <sup>6)</sup> a Galeno memorantur Rufi commentaria.

## SABINVS.

Medicus et interpres Hippocratis Galeno optime probatus <sup>7)</sup>, a quo etiam vir Hippocraticus semel dicitur <sup>8)</sup>. Plures in medicina instituit, quorum duo nominare lubet, Stratonicum Pergamenum, praecceptorem Galeni <sup>9)</sup>, et Metrodorum, quem mox referemus.

C 3

Com-

1) Gal. de antidot. l. I. c. 2. t. XIII. pag. 867.

2) Gal. comm. II. in Prorrh. l. t. VIII. pg. 740.

3) praef.

4) Gal. comm. II. in Prorrh. l. t. VIII. pg. 740.

5) Gal. comm. II. in Epid. VI. pg. 427. 414. 431. t. IX.

6) Gal. comm. II. in l. de humor. passim.

7) Gal. de ord. libr. suor. p. 31. t. I.

8) de atra bile, c. 4. pg. 170. t. III.

9) l. c.

Commentaria Sabini in Hippocratis III. et VI. Epid. <sup>1)</sup>, deinde in libr. de natura humana, quem Polybo tribuit <sup>2)</sup>, et in libr. de humoribus <sup>3)</sup> saepius laudantur, ipsorumque fragmenta leguntur in Galeni libris. Libri spurii *περι ονταμηνου* explicationem dedisse Sabinum, Gellius nos docet, fragmento sequente ex illo servato <sup>4)</sup>:

„ ΕΣΤΙ ΜΕΝ ΦΑΙΝΟΜΕΝΑ, ΩΣ ΖΩΑ ΜΕΤΑ ΤΗΝ ΕΚΤΡΩΣΙΝ.  
 „ ΟΥΚ ΕΣΤΙ ΔΕ, ΩΣ ΘΥΗΣΙΟΝΤΑ ΜΕΤΑ ΤΑΥΤΑ. ΚΑΙ ΕΣΙΝ  
 „ ΟΥΚ ΦΑΝΤΑΣΙΑ ΜΕΝ ΠΑΡΑΥΤΙΧΑ ΟΝΤΑ, ΔΥΝΑΜΕΙ ΔΕ ΟΥΚ  
 „ ΕΣΙ.“

Sabinum quoque *τα προερρηγμένα* Hippocratis interpretatum fuisse, unde colligerit Hallerus <sup>5)</sup>, nescio, cum fontem, ex quo id hauserit, non indicet, neque Galenus eius commentarii mentionem ullam iniiciat.

## METRODORVS.

Discipulus Sabini <sup>6)</sup>, ut iam diximus, varios Hippocratis, et inprimis Epidemiorum libros illustravit <sup>7)</sup>. Distinguendus est ab illo Metrodoro, quocum

1) *Gal. comm. III. in III. Epid. pg. 295. comm. I. in VI. Epid. pg. 373. comm. V. in VI. Epid. pg. 527. 532. t. IX.*

2) *Gal. comm. II. in l. de nat. hum. pg. 149. t. III.*

3) *Gal. comm. I. in l. de humor. pg. 536. t. VIII.*

4) *Noët. att. l. 3. c. 16. pg. 167. (edit. Bipont.)*

5) *bibl. praët. t. I. pg. 219.*

6) *Gal. comm. I. in III. Epid. pg. 203. t. IX.*

7) *l. c.*

cum nostrum perperam confudit Fabricius in elencho medicorum, quem Asclepiadis sectatorem fuisse claris verbis Galenus <sup>1)</sup> docuit. Noster enim, dogmatici medici auditor, dogmaticae quoque sectae principiis inhaesit <sup>2)</sup>.

Alios adhuc e Sabini schola prodiisse commentatores Hippocratis luce clarius conspicitur, ex plurimis locis, quos in Galeno legimus. Is enim saepissime, ubi de interpretibus Hippocratis sermo est, his verbis utitur: „ὁ περὶ τοῦ Σαβίνου, pro quibus vero in versione latina Charterius semper posuit“ Sabinus <sup>3)</sup>, quo factum est, ut a nonnullis, versionem Charterii tantum relicto textu, respicientibus, Sabino tribuantur, quae discipulorum Sabini sunt.

## NUMESIANVS.

Aliis locis in Galeni operibus Νομησιανός, aliis contra Νομνησιανός eius nomen exscriptum legimus. Galeni temporibus Corinthi vitam degit, Quinti, haud incelebris empirici, discipulus. Eius audiendi gratia Galenus, audito antea Pelope, qui ipse a Numesiano artem didicerat, Corinthum adiit, ceterasque terras, in quibus Numesianus versatus est <sup>4)</sup>.

C 4

Et

1) de simpl. med. facult. l. I. c. 34. pg. 22. t. XIII. et cap. 29.

2) Gal. comm. I. in III. Epid. pg. 203. t. IX.

3) comm. I. in III. Epid. pg. 222. 203. 207. et saepius. t. IX.

4) Gal. de anat. adm. l. I. c. I. p. 26. t. IX.



Et boni anatomici et probi Hippocratis explanatoris laudem sibi conciliavit a Galeno, quamvis eo tempore, quo librum de ordine suorum librorum iste confecerat, pauca superessent de illius commentariis <sup>1)</sup>. Scripsit in Aphorismos <sup>2)</sup>, qua in re eum Galenus sapientem hominem et prudentem ac non delirum vocat <sup>3)</sup>, neque iniuria, cum non solum textus rationem criticam habuerit, sed res ipsas, prout medicum expertum decet, explanaverit.

## PELOPS.

Numesiani auditor <sup>4)</sup> et praeceptor Galeni post Satyrum <sup>5)</sup>, Smyrnae habitavit, quo sese contulit, ut ab eo erudiretur, Galenus, variosque illo duce libellos scripsit, quos refert in opusculo de libris propriis <sup>6)</sup>. Tunc temporis, quo Galenus aphorismos commentariis illustrare aggressus est, fato iam defunctus erat <sup>7)</sup>. Memorantur a Galeno Pelopis συγγραμματα των Ιπποκρατειων εισαγωγων; quid vero in iis tractaverit, non liquet, nisi quod in II. et III. anatomica prolata fuerint <sup>8)</sup>. Commentariorum  
in

1) *Gal. de ord. libr. sacr.* pg. 51. t. I.

2) *Gal. comm. IV. Aph.* 69. pg. 179. *V. Aph.* 44. pg. 221. t. IX.

3) *comm. I. de humor.* pg. 535. t. VIII.

4) *Gal. comm. I. de nat. hum.* pg. 137. t. III.

5) *comm. I. in prorrh. text.* 5. pg. 702. t. VIII.

6) c. 3. pg. 38. t. I.

7) *Gal. comm. VI. Aph.* 18.

8) *Gal. de Hipp. et Pl. plar.* l. 6. c. 5. pg. 191. t. V.

in Aphorismos <sup>1)</sup> et in librum de articulis <sup>2)</sup> auctor fuit.

Superfunt adhuc, Herophileorum primum, deinde methodicorum et dogmaticorum omnium, huc pertinentium, elencho confecto, ii, qui inter empiricos usque ad Galenum exstiterunt Hippocratis interpretes. Quorum mentionem nunc faciamus, primum de

## MARINO

diligentissimo sui temporis anatomico, locuturi, quo ad conficiendos de hac scientia libros haud parum Galenus usus est, quin etiam των ανατομικων Marini βιβλια εικοσι in epitomen IV. librorum redegit, in cuius locum postea anatomicae, quas in publicum emisit, administrationes venerunt. Singula capitum in Epitome argumenta nobis tradit in libr. de libris propriis, cap. 3. <sup>3)</sup>

Aphorismorum et l. de natura hominis explanationem dedit, praecipuam in emendando textu operam collocans <sup>4)</sup>.

C 5

Mari-

1) Oribas. comm. in Aphor. praef.

2) Gal. comm. III. de artic. text. 39. pg. 384. t. XII.

3) pg. 40—42. t. I.

4) Gal. comm. VII. Aph. 13. pg. 298. Aph. 24. pg. 303. Aph. 54. pg. 322. t. IX.

Marino statim subiungimus eius discipulum

## QVINTVM<sup>1)</sup>.

Empiricae sectae propugnatorem acerrimum, quod ex variis Galeni locis colligitur. Discipulos habuit, praeter Numesianum, Satyrum, Lycum, et Ephicianum, quos statim referemus. Eius in Hippocratem enarrationes parvi facit Galenus. Illustravit Aphorismos et Epidemiorum libros<sup>2)</sup>.

## EPHICIANVS.

Phicianus, Iphicianus, Ephicienus quoque dictus in Galeni operibus. In re medica Quinti auditorem et magistrum Galeni, in philosophia vero Stoicorum discipulum, Hippocratis libros quoque ad Stoicorum sensum interpretatum fuisse, a Galeno comperimus<sup>3)</sup>.

Librorum de humoribus et de officina medici explicationem dedit<sup>4)</sup>.

## SATYRVS.

Et is discipulus fuit Quinti, qui postea Galenum crudivit. Pergami vixit eo tempore, quo Costunius Rufus Aesculapii templum in ea urbe exstruxit,  
Quin-

1) *Gal. comm. II. de nat. hum. pag. 139. t. III.*

2) *Gal. comm. I. in I. Epid. pg. 3. t. IX.*

3) *Gal. de ord. leg. libr. pg. 51. t. I. comm. I. de off. med. text. 3. pag. 10. t. XII.*

4) *Gal. l. c. et comm. IV. in l. de humorib. p. 581. t. VIII.*



Quinto paullo antea defuncto <sup>1)</sup>. Commentaria anatomica scripsit <sup>2)</sup>.

An in Epidemia ipse commentatus sit, aut tantum praeceptoris enarrationes protulerit, definire non audeo <sup>3)</sup> — mallem tamen ultimum pro vero accipere. Prorrhetica autem ipse illustravit interpretationibus. Fragmentum superest apud Galenum, quod ad l. I. Prorrh. text. 5. „ενυπνια τε εν φρε-  
„νεμοισιν εναργη“ pertinet, sequentibus verbis expressum :

„των εν τοις φρενιτικοις εναργως ορωμενων τε και  
„πραττομενων προς αυτων, οσα ορασθαι τε και  
„πραττεσθαι δοκει ημιν, ουκ εστι κατ’ αληθειαν  
„υπαρ, αλλ’ ενυπνια παντα εναργη.“

## LYCVS.

Macedonia natus, unde illi cognomen Macedo. A Quinto institutus empiricam medicinam amplexus est, dum inter vivos fuit, parum apud Graecos celebris, post mortem demum clarus, cum libri, quos in anatomen scripserat, magis legerentur <sup>4)</sup>. Galenus vero, quamquam ipsum *ανδρα ανατομικοτατον* vocat <sup>5)</sup>, plurimis tamen erroribus scatere Lyci libros abund-

1) Gal. anat. adm. l. I. c. 3. pg. 28.

2) Gal. comm. II. de nat. H. pg. 137. t. III.

3) Comm. I. in III. Epid. pg. 228. t. IX.

4) Gal. de anat. adm. l. 4. c. 10. pg. 107. t. IV.

5) de libr. propr. c. 2. pg. 40. t. I.

abundè demonstravit <sup>1)</sup>). Scripsit commentaria de musculis <sup>2)</sup>), et, quod rei caput est, detectiones anatomicas ad sua tempora, in quorum alterum librum supplementa collegit Galenus in I. των αγνοηθεντων τω Λυκω κατα τας ανατομιας <sup>3)</sup>).

In commentariis in Hippocratem vero Lycum, tum auctorem male intellexisse, tum iniqua mente falsa illi attribuisse, Galenus saepissime questus est. Epidemia exposuit, sed, ut ipse fatetur, Quinti tantum interpretationes in medium protulit <sup>4)</sup>). Commentaria in Aphorismos confecit, magis eo fine, ut Hippocratem confutaret, quam ut eum illustraret <sup>5)</sup>). Hinc peculiarem librum Galenus adversus eum emisit, indignatione summa et contumeliis refertum, quo Hippocratis effatum I. Aphor. 14. „τα αυξανόμενα πλειστον εχει το εμφυτον θερμον“ contra Lycum, talia negantem, defendit. Tota fere Lyci oratio in hunc Aphorismum exstat apud Galenum, quae, quod proluxa nimis est, prohibemur, quin, uti consuevimus hucusque, nostrae opellae eam inferamus.

Ero-

1) de anat. adm. l. I. c. 3. p. 29. t. IV.

2) l. c.

3) Gal. de libr. propr. c. 2. pg. 39. 40. t. I.

4) Gal. comm. I. in III. Epid. pg. 201. 203. III. in III. Epid. pag. 287. t. IX.

5) Gal. comm. ad I. Aph. pg. 28. 92. t. IX. Gal. advers. Lycum. t. IX.

Erotianus et Plinius alium *Lycum* memorant, *Neapolitanum*, quem Hippocratis voces exposuisse ex Erotiano suspicari licet. Num vero idem sit cum nostro, ambigitur.

Restant nonnulli medici, quos Hippocrati operam impendisse novimus; qui cum vero superioribus minus apte iungi possent, secta, cui addicti erant, latente, ad finem huius sectionis eos colligere iuvat. Sunt vero hi:

## MNEMON SIDITES.

Sidites a patria, a provincia vero Pamphylius vocatus. Is est, cui characteres III. libr. Epidemiorum adscriptos debemus, cuius libri exemplum aut ipse ex Pamphylia Alexandriam asportavit, ut lucrum inde acciperat a Ptolomaeo, quem Evergetem appellarunt, aut ex bibliotheca Alexandriae condita legendum defumfit, ac domi illa signa temere adlevit. Galenus enim, dum haec omnia ex Zeuxidis commentariis refert, adiicit, Epidemiorum libri III. exemplo Alexandrino adscripta fuisse verba: „το εκ „πλοιων κατα διορθωτην Μνημονα Σιδιτην.“ Ex Cleopphantii schola medicus fuit <sup>1)</sup>.

DO-

<sup>1)</sup> Gal. comm. II. in III. Epid. pag. 238. 239. III. in III. Epid. pag. 288. t. IX.



---

## DOMNVS.

Ab Oribasio is refertur in Aphorismos commentator, ceterum omnes de eo silent.

## DIONYSIVS.

Apud Galenum semel citatus ob lectionis varietatem, quam textui intulit <sup>1)</sup>. — In tanta vero medicorum aliorumque, qui Dionysiorum nomen gerunt, multitudine dici nequit, quem intellexerit Galenus.

## LYSIMACHVS COVS.

Voces Hippocratis explanavit, tres libris ad Cydam Herophileum, totidemque ad Demetrium confectis <sup>2)</sup>. Medicum fuisse inde colligo, quod Erotianus post medicos nonnullos, inter quos Lysimachus obuius reperitur, scribere pergit: „των δε γραμμα-  
„τικων ουκ εστιν, οστις,“ κ. τ. λ.

## SECTIO IV.

## GRAMMATICI.

---

Neque vero solum apud medicos Hippocrates auctoritate et fama praecelluit; Grammaticorum quoque, ut

<sup>1)</sup> *comm. IV. Aph. pag. 179. t. IX.*

<sup>2)</sup> *Erot. pag. 10.*

ut Erotiani verbis utar, nemo ita eximius visus est, qui hunc virum praeteriret. Quos omnes, cum ante Galenum vixerunt, libelli ordo nunc requirit, ut hac sectione pertractem; quoniam vero paucissimorum aetas, quo floruerunt, constat, satius fecisse duco, si ad literarum ordinem eorum nomina protulerim. Generatim autem, eos voces tantum Hippocrati proprias collegisse et explicasse, minus vero Hippocratem ipsum illustrasse, monendum est. En eorum elenchum! —

**ANTIGONVS** Alexandrinus, Grammaticus <sup>1)</sup>.

**ARISTARCHVS** Samothrax, illustris ille Grammaticus, qui Alexandriae scholam, celebritate minime carentem, condidit <sup>2)</sup>.

**ARISTOCLES** Rhodius, Augusti tempore clarus, a Varrone l. IX. de ling. lat. citatus. Prior fuit Antigono <sup>3)</sup>.

**ARISTOPEAS**, in aliis Erotiani codicibus *Aristeas*, *Aristobulus* scriptus, Rhodius <sup>4)</sup>.

**ARTEMIDORVS** CAPITO, Dioscoridi Alexandrino iuniori, de quo paullo inferius sermo erit, coevus, Hippocratis operum novam paravit editionem, quae ab Hadriano Imperatore multum

1) cf. *Erot. pag. 12. et 312. Scholiastes ad Nicandrum.*

2) *Erot. pag. 12. Fabric. Bibl. graec. t. VII. pag. 52.*

3) *Erot. pag. 12. Fabric. l. c.*

4) *Erot. l. c.*

tum aestimata est <sup>1)</sup>; at nulla laude dignum editorem fuisse, quin interpolatorem textus audacissimum, plurimis locis queritur Galenus, et exemplis probat <sup>2)</sup>. In Erotiano ad vocem *λασιον* Artemidorus grammaticus legitur <sup>3)</sup>, quem eundem cum Tharsense, a Strabone allegato, putat Franzius <sup>4)</sup>, cum nostro vero coniungit Fabricius <sup>5)</sup>, quod in medio relinquimus.

**DIDYMVS** Alexandrinus. Dubium est, num Erotianus <sup>6)</sup> antiquiorem, Aristarchi discipulum, 4000. librorum auctorem, an iuniorem intellexerit, quem Romaë vixisse Suidas <sup>7)</sup> perhibet.

**DIOSCORIDES** Alexandrinus iunior <sup>8)</sup>, temporibus Traiani Hadrianique floruit, et cum Artemidoro Capitone novam Hippocratis recensitionem paravit, locos suspectos obelis distinxit, textum vero, ubi perspicuitate carere videretur, ex ingenio muta-

1) *Gal. comm. I. de nat. hom. pag. 99. t. III.*

2) *comm. II. in I. Epid. pag. 60. II. in II. Epid. pag. 256. III. in VI. Epid. pag. 443. IV. in VI. Epid. pag. 488. comm. VI. Aphor. 38. pag. 233. t. IX. comm. I. de humor. pag. 536. 581. t. VIII.*

3) *pag. 244.*

4) *cf. indic. auctor. Erotiani.*

5) *bibl. graec. t. IV. pag. 405.*

6) *pag. 13.*

7) *f. v. Διδυμος.*

8) *Gal. expos. voc. f. v. ὀδινος, pag. 484. 486. ed. Franz.*



mutavit infelix emendator, quamobrem Galeni castigationes saepissime passus est <sup>1)</sup>. Idem forte glossarium conscripsit, cuius Galenus et Erotianus passim meminerunt, in quo vero, quamvis plurimis voluminibus constaret, ne tertiam quidem partem vocabulorum interpretatum esse, et quae protulerit ex Nigri, Pamphyli, Dioscoridis, operibus eum composuisse Galenus monuit <sup>2)</sup>. Grammaticum, neque medicum, fuisse, cum Salmasio credimus, praesertim cum sectatores eius, Grammatices aliis se multo peritiores esse ipsi iactaverint <sup>3)</sup>.

**EPICLES** literarum ordine Hippocratis voces, quas interpretatus est in glossario, composuit, sed nimiae brevitatis studiosus, loca Hippocratis, ex quibus desumfit voces, indicare omisit.

**EPICELEVSTVS.** *Parepiceleustum* eum legit Franzius. Ad mentem vero Fabricii Erotiani lectio ita restituenda est: παρ' Επικλησου του Κρητου, eundem esse cum superiore, censentis <sup>4)</sup>.

**EROTIANVS**, nonnullis *Herodianus*, *Erotion*, et s. p. denominatur, Neronis tempore vixit, Grammaticen

<sup>1)</sup> *comm. I. de nat. hom. pag. 77. t. III.* et plurimis locis, quos allegare superfedemus.

<sup>2)</sup> *expos. voc. pag. 402.*

<sup>3)</sup> *Gal. comm. II. in VI. Epid. pag. 407. t. IX.*

<sup>4)</sup> *bibl. graec. t. IV. P. II. pag. 576.*

maticen edoctus. Ad Andromachum Archiatrum των παρ' Ιπποκράτει λεξεων συναγωγην conscripsit, quae ad nostra usque tempora inter hominum manus versatur. Medicinam eum non calluisse, librum mox dictum attentius perlegendibus patet. Neque tamen parum utilitatis atque commodi secum affert libellus iste iis, qui criticam opem Hippocrati admoveere student. Primum enim plures in eo Hippocratis expositores memorantur, quos alioquin ignoraremus, deinde vero, prima librorum Hippocraticorum censura adhibita, certiores nos fecit, quatenus Hippocratis opera genuina, quae spuria Erotiani temporibus habita sint. Certas classes, ad quas redegit Hippocratis libros, statuit, σημειωτικα, αιτιολογικα και φυσικα, διαιτητικα, χειρουργουμενα, et μικτα, ad quem etiam ordinem vocum explanationes composuit. A Galeno quoque Erotianum memoratum legimus in explanat. voc. καμμαρον; sed ex ipso eo loco apparet, Galenum aut alius Erotiani librum coram habuisse, aut, quod magis probabile est, plures olim operis Erotianei recensiones exstitisse.

EUPHORION VI. libros explanatorios in voces Hippocratis conscripsit <sup>1)</sup>).

PAMPHYLVS, Alexandriae ortus, Aristarchi Grammatici assecla, librum quidem medicum de herbis in

<sup>1)</sup> Erot. pag. 12.

in medium protulit, ad literarum seriem compositum, in quo vero, probante Galeno, omni herbarum cognitione destitutus, Grammaticorum more, quaevis superstitione collegit. Hippocratem peculiari libro explicavisse ex Galeni loco, unde sententiam istam nonnulli repetierunt, minime apparet; cum Galenus nil aliud affirmet, nisi quod Dioscorides iunior omnia ex Nigri, Pamphyli aliorumque libris transcribere haud erubuerit. Forte Pamphyli librum *περι ονοματων* Galenus respexit, quem memorat Athenaeus.

**XENOCRITVS** Cous, omnium primus fuit, qui Glossaria in Hippocratem fecerunt, Heraclidi Tarentino notus, ut Erotianus nos docet.

Agmen claudat Glossatorum *το Λεξικον των Ηροδοτειων Λεξεων*, quod non, ut alii perperam crediderunt, pro Herodoti cuiusdam glossario in Hippocratem, sed pro ignoti cuiusdam auctoris comparatione vocum Herodoti, antiquissimi historiarum scriptoris, cum Hippocratis vocibus habendum est. Quod luculenter exposuit Franzius, in praef. ad editionem lexicorum Hippocratis, quam paravit.



SECTION V.  
GALENVS.

**N**on ex omni parte laudabilem itaque fuisse conditionem, qua medicina gavisa est novissimis ante Galenum temporibus, ex his, quae attulimus, intelligitur. Hinc utique necesse erat, ut prodiret aliquis, ingenio, doctrina, et auctoritate, ceteris longe superior, qui negotio, quamvis arduo, se accingeret, omnium systematum medicinalium examinandorum, ut nempe pateret, quaenam fides iis esset tribuenda. Idque effecit Galenus, vir, quocum nulum prioris superiorisque aevi medicum facile compares, si Hippocratem excipias, quem non minus antecessit ingenii subtilitate et philosophiae licentia, quam ab ipso fidelissima morborum observatione, ac simplici curationis methodo superatus est.

Natus est Pergami, nobilissima ob Aesculapii templum Asiae minoris urbe, parentem haud ignobilem, Niconem, natus. Omnium fere eo tempore florentium in philosophia scholarum magistris celeberrimis usus, XXI. aetatis suae anno ad medicinam se contulit, et primum in ea praeceptorem ex Athenaei, pneumaticorum principis, schola habuit, quem vero postea deseruit, et Quinti discipulis, Numesiano, Pelope, Ephiciano, Satyro, praeceptoribus usus est,

maxi-

maxime tamen Stratonico Pergameno, Sabini auditore, et Lucio Alexandrino. Numesiani gratia Corinthum, Pelopis Smyrnam profectus est. In medicina igitur a diversis viris, diversarumque sectarum doctrinas profitentibus institutus, postquam per magnam Europae, Asiae, et Aegypti partem iter fecerat, medicamentorum loci natalis inquirendi causa, in patriam, XXVIII. vitae annum degens, reversus est, ibique gladiatorum valetudinem, a summo sacerdote ipsi commissam, curavit optimo successu. XXXIII annos natus Romam adiit, ab Asclepiadis temporibus protrectricem Graecorum medicorum, qui ex ea urbe laudes et divitias et luxuriae spolia opima quaeque reportabant. Nimia vero propter feliciores curationes laude evectus, invidiam et odium medicorum sibi contraxit, quo permotus est, ut in patriam rediret, ibique maneret, donec a M. Aurelio Antonino Romam revocatus est, et medicina exercenda et docenda, et libris quamplurimis componendis vitam contrivit. Ad senectutem provectus, in patria mortuus est LXX. circiter annos natus.

Quid vero Galenus in medicina perfecit, hic nequit enarrari, quoniam totum eius systema ut explicemus, necesse foret, qua de re omnes scire ea cupidos ad Celeberr. *Ackermanni* historiam medic. cap. 32. relegabo, ubi Galeni systema plane singulari studio expositum legitur. Nobis haec sufficiant,



id praecipue molitum esse Galenum, ut ceterarum sectarum ruina parata, dogmaticorum antiquissimorum systema, cui etiam Hippocratem addictum fuisse vult, restitueret, omnia melius componeret, nec, ut recentiores dogmatici fecerant, experientiam negligeret, sed potius duo medicinae principia statueret, rationem et experientiam, quod utrumque principium recta methodo esset coniungendum. Hinc quavis occasione, contra empiricam atque methodicam sectam scripsit, vehementius tamen in methodicos invectus, quos asinorum Thessalicorum atque medicorum methodi expertium nomine saepius appellavit. Ipse vero se nulli favere sectae, nec aliud quid, quam Hippocratis doctrinam restituere, quae in illo obscura sint, illustrare, quae minus vera, corrigere, aut si probata essent ab experientia, rationique consentanea, magis corroborare velle professus est.

Summum igitur studium merentur commentarii, quos Galenus in Hippocratem emisit, quibus accuratius examinandis laborem hoc loco impendemus. Et primum quidem gratias illi debemus, quod, cum omnium fere superiorum interpretum operam futilem et nullius pretii esse existimaret, et refellendis iis operam daret, nos eo ipso certiores fecit, qui qualesque viri ante Galenum in Hippocratem scripserint. Deinde libris Hippocraticis censuram post Erotianum



tianum iterum adhibuit, adiuncta nonnunquam libri, de quo agit, historia. Porro textus scripturam vetustam restituere studuit, ac recentiorum, Artemidori Capitonis, Dioscoridis, reliquorum, in mutando textu errores investigavit, perstrinxit, correxit.

In explicando vero Hippocrate hanc inprimis mentem habuit, ut Hippocratem ex aliis libris locisque illustraret, probaret, aut corrigeret, quod optime apparet, si Epidemiorum et Aphorismorum interpretationes perlustramus. Neque tamen ex sua eruditionis copia Hippocratis doctrinas explanare noluit, quod praecipue in iis libris animadvertimus, quae ad rationalem disciplinam spectant, cum Hippocratem systemati suo consentaneum esse probare cupiens esset.

Omnia, quae suo tempore exstiterunt, Hippocratis operum enarrationes conficere quidem statuit, num vero ad finem id propositum perduxerit, dubium est, quoniam magna pars librorum, quos conscripsit, in incendio templi Pacis Romae interiere. Ad nos venerunt, et quidem ex theoreticis, commentaria in libros Hippocratis, de natura humana, de humoribus, de alimento, de aere, aquis et locis: ex practicis vero, in Prognosticon, in Prorrhethicon libr. I. in Epidemiorum I. II. III. IV. et in Aphorismos: ex chirurgicis, de fracturis, de articulis, et de officina medici. Neque etiam librum, quem de Hippocratis et Platonis placitis scripsit, omittendum esse puto,

cum

cum ad enucleandam Hippocratis theoriam plurimum conferat.

Haec igitur sunt, quae de Hippocrate promeritus est Galenus; maiora adhuc, quae de universa medicina. Id vero admirationem movet, medicos illum excipientes tam parvam ex eius operibus collegisse utilitatem, ut adeo cum Galeno tota fere medicina rationalis interiisse videatur, si paucos, Aretaeum, Paulum, Alexandrum, eximas. Rem vero cum rite perpenderit, cessabit admiratio, et causae, cur ea taliter evenerint, ante oculos positae sunt, quas pro viribus nunc enucleabimus.

## SECTIO VI.

### MEDICINA POST GALENUM VSQVE AD ARABVM TEMPORA.

Sperari quidem poterat, sectarum omnium, rationali excepta interitum, quem Galenus paraverat, medicinali scientiae multum utilitatis adlaturum fore; idque factum fuisset sine dubio, nisi plura utilitatem illam in detrimentum vertissent. Non enim solum cum sectarum interitu partium studium desit, sed, stimulo deficiente, qui medicos antea incitaret, ut scientiam suam magis magisque excolerent, ipsum artis studium



dium languerat. Paucissimi erant, qui Galenum legerent, quoniam alii omnes ceteri, invidia hominis ducti, qui omnes priorum suorumque temporum aspernatus erat, intacta eius opera relinquebant; imo paucissimi eum intelligebant, ob nimiam eruditionis molem, quam in libris eius inveniebant. Generatim enim iis temporibus cum ipso Romani imperii decremento scientiarum cultus defierat; prisca Romanorum libertas erat deleta, et ex Quiritibus Dominorum servi Romani facti erant. Quae princeps sine dubio causa fuit, quod, aurea aetate praeterlapsa, argenteam presso pede aenea sequuta sit; ea causa fuit, quod medicinae studium eo devenit, ut Dogmatici Galenum tantum coeco impetu sequerentur, Empirici, vetularum more superstitiosa medicamina colligerent, Methodicorum vero nomen penitus in oblivionem abiret. Hippocratem vero omnino deseruerunt medici, aut tantum ex Galeni operibus illius doctrinam sibi adquirere studuerunt. Neque iis ex causis eorum labor, qui hisce temporibus Hippocratem interpretati sunt, magni pendendus est; cum, quaecumque fere protulerunt, Galeni commentarios redoleant. Ex horum numero est

### ORIBASIVS.

Sive potius ignotus aliquis auctor, christianae religionis cultor, qui commentariis suis in Apho-

E

rismo-



rismos Oribasii nomen imposuit. Consulatur hac de re Fabric. Bibl. graec. t. II. ed. Harles. pg. 546. Neque intelligere possum, cur tanta laude primus Oribasii editor, Guintherus Andernacus eum extollat, cum nec interpretem Hippocratis clarum, nec bonum medicum se praestiterit, sed scholasticis tantum subtilioribusque definitionibus ac distinctionibus proferendis, nec non superstitionis medicinis commendandis operam contriverit. Latina lingua scriptos esse eius commentarios, magis probabile mihi est, quam graeca; ex eaque causa forte haud commodus eorum est in nostra commentatione locus. Codices et editiones enumerantur a Fabricio l.c.

## PHILOTHEVS.

Variis nominibus is homo insignitur. Alii libri, quos confecit, Philareti, alii rursus Theophili nomen in fronte gerunt. Sub initium septimi post Christum seculi vixisse creditur. Protospatharius nonnunquam dicitur, qua dignitate apud Heraclium imperatorem ornatum eum fuisse vult Lambecius. Ex eius operibus, quae supersunt, elucet, dogmaticorum systemati, qualecunque post Galenum id fuerat, eum fuisse addictum.

Commentarios habemus in Aphorismos Hippocratis, modo Philotheo, modo Stephano, eius discipulo, adscriptos. Sic in codicibus bibliothecarum Vindobonensis, Mediceae, Philotheus auctor enarrationum

tionum dicitur, in codice vero biblioth. Caesar. Vindob. de Nessel. Stephani nomen adscriptum est iisdem, ut videtur, commentariis. In publica Universitatis nostrae bibliotheca codex quidem exstat horum commentariorum graecus, at ab initio et paulo ante finem mutilus, seculi, ut Cl. *Mannerti* auctoritate nitar, XV parte media ex scriptus, ad cuius ultimam paginam inter alia sequentes versus adiecit scriptor codicis :

δυοιν δε τουτο εκ βιβλοιν εγεγραφειν  
της τε σεφανου του lion σοφωτατου  
και θεοφιλου του βραχυλογωτατου.

Fronti vero sectionis secundae Aphorismorum a recentiore manu adscriptum legitur :

εξηγησις του δευτερου τμηματος σεφανου παλιν.

Cum tamen idem codex fragmentis, quae enarrationibus suis in Aphorismos intercalavit A. Musa Brasavolus, omnino respondeat, assumendum forte esset, Stephanum Philothei commentaria incepta ad finem perduxisse, aut, quod veritati magis consentaneum videtur, Stephanum enarrationes hasce in Aphorismos ex ore praeceptoris, Philothei, accepisse, ac postea divulgasse. Haec de auctore illorum in Aphorismos commentariorum sufficient.

Modus autem, quo Hippocrates in his enarrationibus illustratus est, ita est constitutus, ut causa cuiusque rei, quam memorat Hippocrates, ex dog-



maticorum mente explicetur, practica contra consilia plane negligentur, in eoque labore ex Galeni commentariis plurima decerpta sunt, quamvis ipsius Galeni rarissime mentio facta est. Quod optime probatur exemplo ex ipsis Philothei commentariis adiecto. In aphorismum 5. L. III. sequentem emisit enarrationem:

„Περι ὥρων διαλεχθεῖς, νυν καὶ περὶ ἀνέμων διαλεγε-  
 „ται. καὶ πρῶτον μὲν περὶ τοῦ νοτοῦ. Ἀλλ’ οὗτος  
 „θερμὸς ἐστὶ καὶ ὑγρὸς. καὶ θερμὸς μὲν, διὰ τὸ τὴν  
 „κεκαυμένην ζῶνὴν πορεύεσθαι· ὑγρὸς δὲ, διὰ τὸ τὴν  
 „λεπτομέρη ἀφαρπάζειν ὑγροτῆτα τῇ θερμότητι· Θερ-  
 „μοὶ οὖν καὶ ὑγροὶ τὴν φύσιν ὄντες οἱ νοτοὶ, εἰ ἐπι-  
 „κρατησοῦσι, βαρυήκοοι καὶ διαλυτικοὶ τῶν σωματικῶν  
 „ὑπαρχοῦσι. μετὰ γὰρ πολλῆς ὑγροτῆτος. τὰ τῶν  
 „αισθησέων ὅργανα ἀποφαινοῦσι, καὶ κρηβαρίαν ἐργα-  
 „ζονται τῷ πληθει. Τῆς δὲ ἀρχῆς τῶν νευρῶν ὑγραν-  
 „θεισῆς, ἀναγκὴ καὶ τὰς κατ’ ὁρμὴν ἐνεργείας, νω-  
 „θροτέρας γενέσθαι· βαρυήκοοι δὲ εἰρῇνται καὶ τὰ λοι-  
 „πα, οὐχ’ ὅτι αὐτὸν τὰ πάθη προσκεκτῇνται, ἀλλ’  
 „ὅτι τῶν τοιούτων παθῶν αἰτίοι εἰσιν.“

Quae omnia, mutato tantum hoc vel illo verbo, Galenus in commentariis ad hunc aphorismum protulit. In Latinam transtulit linguam Ludov. Corradus. Graeca editio adhuc desideratur.

## STEPHANVS.

Atheniensis, Philothei auditor. Quid de eius σχολιοῖς εἰς τοῦ Ἱπποκράτους ἀφορισμοὺς κατὰ συνοψίν habendum sit, iam memoravimus. Commentarium  
 . Stephe-



Stephani in Prognosticon exstitisse in bibliotheca Renati Moreau, ex Hallero discimus <sup>1)</sup>).

### MELETIVS.

Monachus Hallero, Philosophus Fabricio cognominatus. Commentarios eius in Aphorismos ineditos latere in pluribus bibliothecis, Parisina, S. Remigii Rhemnensi, ex Fabricio comperimus, si eius biblioth. graec. evolvimus, t. II. ed. Harles. pag. 547.

### PALLADIUS.

Ante seculum XI. vixisse eum patet, cum Rhazes saepissime eum citet. Theoriam Galeni in libris suis conficiendis sequutus est. Commentarios fecit in Hippocratis libros de diaeta in acutis <sup>2)</sup>, quos cum alio titulo *de cibo et potu* exstare in Bibl. reg. Paris. et in Medicea, Hallerus refert; porro in librum VI. epidemiorum <sup>3)</sup>, in l. de fracturis (cuius genuinas origines defendit) de articulis, qui temporibus Palladii cum priori iunctus erat. Optandum est, ut huius viri commentaria in Hippocratem in unum volumen collecta publici iuris fiant, quae adhuc dispersa iacent.

### ACTVARIUS.

Ioannes, Zachariae filius, a munere Actuarius nominatus, Constantinopoli vixit. Vrinae disquisitioni

E 3

ni

<sup>1)</sup> *bibl. pract. t. I. pag. 310.*

<sup>2)</sup> *Santalbin. in praef. ad Pallad. schol. in Hippocrat. de fract. Foes. sect. VI. pag. 196. Spach. elench. med. pag. 147.*

<sup>3)</sup> *Fabric. bibl. graec. ed. Harles. t. II. pag. 566.*

ni in scriptis plurimam operam dedit, quae ad nostra usque tempora servata sunt. Commentaria eius in Aphorismos Hippocratis citant Fabricius et Hallerus, quos adeas <sup>1)</sup>).

Anonymorum commentarios graecos in Hippocratem, quos passim in bibliothecis latere novimus, omitto. Restat autem, ut ad calcem opusculi eorum adhuc mentionem faciamus, qui iniuria ab aliis in Commentatorum Coi senis numerum positi sunt. Quorum primus est

### ERASISTRATVS.

Loca enim Galeni, quibus sententia Fabricii, commentatum eum esse in Hippocratem, nititur <sup>2)</sup>, nil aliud nos docet, quam, Erasistratum in l. quod scripserat de febribus, Hippocratem, sed potius discipulos Hippocratis accusavisse, eos aegrotos fame et siti necam intulisse. Eadem iure

### CALLIMACHVS HEROPHILEVS

in interpretum gregem receptus est. Erotianus enim in praefatione his verbis usus est <sup>3)</sup>:

„Εσνοχεῖτος γὰρ ὁ Κωός, γραμματικὸς ὢν, ὃς φησιν  
 „ὁ Ταρραντίνος Ἡρακλίδης, πρῶτος ἐξελαβετο τὰς  
 „τοιαύτας ἐξαπλοῦν φωνὰς· ὡς δὲ καὶ ὁ Κιττίεος

Ἀπολ-

1) *bibl. graec. ed. Harles. t. II. pag. 548. bibl. praet. t. I. pag. 320.*

2) *bibl. graec. t. II. ed. Harles. pag. 558. 600.*

3) *praef. pag. 7. 8.*

„Απολλωνιος ἰσorei • και Καλλιμαχος ο' απο της Ήρο-  
 „φίλου οικείας.“

Num quid vero aliud haec omnia indicant, quam Callimachum Herophileum aliquo loco Xenocriti Coi interpretationum mentionem fecisse, minime vero, Callimachum ipsum Hippocratearum vocum dedisse explanationem? — Adde, quod Callimachus bis citatus in ipso opere Erotiano, non noster sit, sed poeta antiquus idem nomen gerens, quod apparet, cum ambo illa Callimachi loca <sup>1)</sup> pentametri mensuram expleant.

T A N T V M.

THE-

1) pag. 250. 346.



---

## THESES.

---

- I. Irritabilitas atque sensibilitas non diversae corporis humani vires habendae sunt.
  - II. Sunt enim non nisi diversae vis vitalis, quibus se exferit, facultates.
  - III. Causam materiale ex indice causarum morbi simplicis eiiciendam esse credo.
  - IV. Num fines, quibus a medicis materiae medicae, therapeutices et therapiae specialis ambitus determinatus est, certi sint, adhuc dubito.
  - V. Distinctionem inter obstructions et infarctus, quam recentiores dederunt pathologi, parvae esse in praxi medica utilitatis, mihi persuasum est.
  - VI. Variolae, nostris quidem regionibus, vix aut nunquam extirpari possunt, praesertim si status civitatum idem maneret, qui hucusque fuit.
  - VII. An acrimonia scrophulosa sui generis existat, adhuc dubitandum est.
  - VIII. Sin vero adest, eam potius effectum morbi, quam causam credimus.
  - IX. Signum essentiale febris ex pulsu celeri repetendum esse puto.
  - X. Digitalis purpureae usu pulsum lentiolem fieri, nego.
  - XI. Dysenteria simplex non nisi est catarrhus intestinorum.
  - XII. Medicus felix non ideo est medicus probatus.
-